

# CIPANGE CILONDO

 Atu kotamike mitwe yesu lino ku mupailo. Kuciindi mitwe a myoyo yesu noikoteme kumbele lya Leza, Nda—Nda libuzya na mbangaye omuno bajisi nkumbizyo banga bayanda Leza kuziyeeya, kwiinda ku kunyamuna buyo maanza anu mujulu? Lino, amu jatilile ku nkumbizyo zyanu mu myoyo yanu lino mbuli mbo tu komba.

<sup>2</sup> Mwami Jesu, Yebo i—i Kasensa, Kasensa katayuminini ika Buumi, kakunke kwiinda muli ndiswe sunu, Mwami, a kutusalazyza kuzwa kukutasyoma koonse a zibi zyoonse, kutegwa tukonzye kwiima mu Busyu Bwako lino, mukuziba kuti kuli kubula aakati kesu, kutegwa tuzibe kuteeti tuli basizibi alimwi ta—ta tweeleli ku cilongezyo cili coonse. Pele mpawo cindi twa yeeya Nguwe Oyo wakasika a kubweza zibi zyesu! Mpawo, cindi Bulowa Bwakwe bwanoliko, ta tuli—ta tuli ndiswe mu Busyu bwa Leza, walo Nguwe. Ndi jwi lyesu biyo kwiinda mu Bulowa Bwakwe. Bulowa Bwakwe bulakanana. O Leza, mpawo kosalazyza myoyo yesu kuzwa ku cibi a kutasyoma.

<sup>3</sup> Ko tupa kuyandisa kwa moyo wesu, nkambo cancobeni tuli jisi kuyandisa oku kwa kubelekela Nduwe. Mu ziimo ezi zikompeme a kufwaba, a zintu zya inyika ezyo zibikkidwe ali ndiswe ziindizimwi, zya kutulondola; twa kaambilwa booboo. Mpawo Wa kati, “Muta yeeyi kuti nceenzo elyo masukusyo aya aboola.” Abamba buyo buboto bwesu a ku tulondola, a ku tuleta mu busena obo. Aku kuyandisa kupati kwa luzibo, oko balulami nko babumbwa kuba basalali, twa—twa Ku lumba ku luzibo olu, Mwami. Inga tee twa yanda, kutasola kucita cintu cili coonse ciimpene ku luyando Lwako. Pele twa komba, Taata, kuti muli ceeći tuyo letwa munsi kapati kuli Nduwe.

<sup>4</sup> Elyo cindi mikuli yano lema kapati inga tee twakonzya kuya ambele, mpawo tu tambika maanza esu a kukwiilila Taata wesu. Mpawo koswiilila kuzwaku Julu, Mwami.

Kotu ponya, kotubamba kuba kabotu, nkambo ka kugwasya Bwami bwa Leza.

Kolongezya Ijwi Lyako cifumo cino, Mwami. Ijwi Lyako Mbwini.

<sup>5</sup> Elyo twa bungana okuno lino mu mbungano. Twa kombela Mukwesu Neville, a Mukwesu Capps, a Mukwesu Collins, a boonse bamwi bakutausi, alimwi i—i basyomesi, bamadaikona, a basimbungano boonse, a beenzu mu milyango yesu. Akube kuti bube buzuba mbo tuyosukamina kwiibaluka, nkaambo ka Busyu Bwako.

<sup>6</sup> Tuli waano kunsi lya bulangizi bupati cifumo cino, Mwami. Kuzibwa buyo kwakaindi kaniini loko, kwiitwa antoomwe.

Tu limwva kuti nkwa bukanze. Akube kuti bukanze Bwako buzulile, Mwami. Nkambo twa cilomba mu Zina lya Jesu, mbuli mbo tu lyaaba tobeni. Ameni.

<sup>7</sup> Calo nceebesi kuba kokuno a kubungana antoomwe a mbungano eyi iizwide bantu. Nseli kulangila kuba uuli oonse okuno cifumo cino, nkaambo Nse zyi pe nokuceya, lwangu, ni Ndali kuyooba okuno.

<sup>8</sup> Twa zwaa kusika kuzwa ku Philadelphia. Elyo aboobo Nda kasika, Nke yeeya kuti ndakeelede kuunka ku Arizona cakufwambaana, kuyooba akuswaangana kwa dilwe lya mulongwe wangu, Captain Jim Moseley, mulombe munaleza, muyandisi loko Ngwe kasololela kuli Kristo kutali ciindi cilamfu cainda, babunyina botatwe bana Moseley. Elyo umwi wabo wakawa, elyo wakali mu ndeke buzuba bumwi, nkabela wakajaigwa mpoonya awo. Kalala mu mulilo kwa maora ali kkumi kabatana sika kuli nguwe. Aboobo Lee ula myaka ili makumi obile alusele yakukomena, mukaintu wakwe makumi obile acisambomwe, a—a kusiya bana baniini botatwe; mupati kwiinda, ciloba. Kuusa kupati. Elyo ba... Cindi nibaka munjizya, mpawo bakacita ku muzikka buzuba bwakatobela. Aboobo Nda biyo... Nse kakonzya kuunka. Elyo Nda kalembela biyo, na kutumina kwiinda ku telegiramu, eco Nce keelede kuyoamba, na eco Nce kalino amba ku dilwe lya Mukwesu Moseley. Zintu zimwi ezi tatu konzyi kuzimvwisya, pele nekubabobo Ula bamba zintuzyonse kubeleka buyo kabotu.

<sup>9</sup> Tuli waano mu kuswaangana kwa Mwami, cifumo cino, mukuziba kuti—kuti—kuti tula syoma Leza, kuti tula syoma kuteeti Uyo bamba zintuzyonse kabotu buyo ncobeni. Kakutakwe kulanganya obo mbo cibede, a nzila mbo cibamba, tu lizi ceede “kubeleka ku bubotu.” Wa kasyomezya boobo. Ceede buyo kuba nzila eyo. Ziindizimwi ta tukonzyi kumvwisya ceeco, ciba citamvwugwi kuziindi zimwi, pele nekubabobo tu lizi kuti obo Mbwini, nkaambo Bbaibbele lyaamba kuti Mbwini. Elyo Bbaibbele, kuli ndiswe, ngu Leza mu ciimo ca lugwalo.

<sup>10</sup> Lino, twe elede kubikka lusyomo lwesu abusena bumwi. Elyo ikuti na—ikuti na Nda na kufumbwa wesu, mu buumi, kasola kuzwidilila mu buumi a kuba, ziindi zinji, simali alubono lunji, pele ino tuyo cita nzi a ceeco? Twe elede kuselemuka ku magolelo aa lweendo, alimwi ino—ino ncibotu nzi kuli ndiswe kai? Mwabona? Elyo mali kalo nka—nka pepa kabulembo, nga kusintanya, pele tokonzyi kwaasintanya aa Buumi. Alikke Leza ngujisi Buumi.

<sup>11</sup> Aboobo tula—tula mvwisya kuti tuli waano mu ciimo ca cimvule. Elyo kufumbwa kuti kakuli cimvule, kweelede kuba cintu cini. Ta kukonzyi kuba cimvule kakutakwe cintu cini, mwabona, nkaambo nku kaambo ka cintu cini eco cipanga

cimvule. Mbuli nduwe waka jisi cifwanikiso ca cimvule ca cintu cimwi. Kweelede kuba cintu kubusena bumwi, na ca kuuma, mumuni kuuma malesi ayo, nape inga tee kwaba cimvule cili—cili coonse. Aboobo cindi twa bona kuti buumi bwesu ano buli mu cimvule, a mukuziba kuti tuli cinkozya ca buumi bumwi kubusena bumwi, mpawo tu lizi kuti kuli cintucini kubusena bumwi eco mumuni ngo cakauma, elyo caka tondezya cintucimwi awa a nyika. Elyo tuli kutondezegwa buyo oko. I cintu cakasimpe cili kubusena bumwi. Ikuti na tacili nkuko, Ndili sikucengwa wiinda kubija mu inyika; Nda belesya buumi bwangu mu buyo. Pele Ndi lizi, kutaba a kuzumbaauzya nokuceya, kuti nko buli. Mwabona? Nke kaambo neco tuli waano. Mwabona?

<sup>12</sup> Cindi Nda mubona no bantu kamuboola koonse kuzwaku cisi, ku kuziba kwa ziindi zisyoonto, alimwi ciindicimwi kuyeeylela, mpawo cindibamba kulimvwa kuubauka aniimi ncobeni cindi Nda njila mu muswaangano mbuli oyu; kuyeeya kuti Ndi lizi bantu okuno beelede kweenda myaanda ya mamaile, kuba buyo okuno kwa maminiti masyoonto a kuswaangana, kukkala buyo kokuno.

<sup>13</sup> Mwanakazi umwi wa kaamba buyo kumwi, kaboola buzuba bumwi a kwaamba, “Kondi tondezya awo muntu mpa keenda, alimwi ndilekele ndeende kunze lyakwe, atala aansi,” kat, “Ndiyo ba kabotu.” Lino, bantu bala kusyoma mbuli boobo, nkabela uli mwiiminizi wa Kristo, mpawo neinzi neco tweede kucita? Twe elede kucenjela maningi, nkaambo toli nyonyoomi biyo ku bulubizi, unyonyoona bamwi abo baku tobela.

<sup>14</sup> Aboobo, Taakwe kabungwe nkezi na cintu caku mutola nkuko. Kuli cintu comwe biyo Mwe jisi lusyomo lwangu. Ikuti na mula ndisyoma, amu tobele Nce mwaambila. Nkaambo, Nda syoma Bbaibbele, eelyo ndi Ijwi lya Leza. Zintu zimbi zila kakilwa. Ndili buyo... Walo Mbuumi. Walo ndi Ijwi.

<sup>15</sup> Lino, Ndi lizi mu... Cindi Nda bola okuno, Nda mujata kwa ciindi cilamfu. Nda kakomba kuli Leza, cindi Ne kalimvwa kuti Nde elede kuboola okuno sunu. Nda kajisi kutuminwa a kubuzyanya kwakumbali kunji kapati, a zimwi zimbi. Nda cita kuswaana bamwi babo cifumo cino. Elyo Nda ti, “Ee, Mukwesu Neville kwiina kuzumbaauzya uyo ndilomba kukanana.” Obo bwakali Bwasanu. Elyo Nda kat, “Mukwesu Neville antela uyo ndilomba kukanana. Elyo cindi Nda cita, mpawo Nda komba, Leza... ” Kulapya maningi, kwali kupya maningi. Elyo Wa kali mubotu ku tutumina mvula a kumwaya kupya kupati loko, a ku tupa cifumo cibotu cifumo cino. Nda komba bubotu Bwakwe buyosansaila ali umwi aumwi wanu woonse, kuti lyoonse muyo yeeya kuba okuno cifumo cino. Akube kuti luzyalo a zilongezyo Zyakwe zibe ali ndinyo!

<sup>16</sup> Busiku bwainda Nda kaswaya mweenzuma oyo uuciswa, Mukwesu Bill Dauch. Nse konzya kumu bona okuno cifumo cino. Mubumwi, Nse citi. Oh, ngooyu awa. Uli...Inzya. Elyo Ndali kuyeeya, "Ii mudaala wa myaka ili makumi ali fuka aomwe yakukomena, nkabela kacuumputa kukosola i—i cisi, kwiinda mu lukula, aatala lya malundu azwide caanda a migwagwa itezeleka. Ta elede kucita ceeco. Leza wakali sibuuya kuli nguwe; ta elede kucita ceeco. Inga wakkala ku ng'anda a kuba a bazike kaba muvupaula, ikuti na wakali kuyanda." Pele, cintucimwi cakacitika kuli Bill Dauch, wa kazyalululwa. Elyo cindi nicakaba, cintucimwi caka njila mu moyo wakwe, kuti koonse nkwa ponena nku janika ku kuswaangana oku. Elyo mpawo ikuti na Nde elede kuba caambawido ca Leza, sa inga Nda cenga mweenzuma? Inga ndasala kufwa. Mpawo andi mwaambile kasimpe ka Bwini kuzwa mu Bbaibbele eli. Mpawo, eelyo ndi Ijwi lya Leza. Ndi loolola buyo eco Nea kaamba.

Lino Ndi yanda kubala kumwi kuzwa ku Bbaibbele.

<sup>17</sup> Katutana kubala, Ndi yanda kwa—kwa amba kuti Nda syoma sunumasiku mbusiku bwa mulalilo. Elyo nywebo nomuli okuno mibusena... Mubwini, bantu bamwi antela bayo jokeila ku maanda abo, nkaambo beeleder kuyaku ncito. Nywebo nomuli okuno mibusena mu mbunga, amuyeyye, bakwesu banopa mulalilo sunumasiku.

<sup>18</sup> Lino, Ndi lindila kwiitilwa kwamamanino kuzwa ku Africa. Tee bakakonzya, taba kandizumizyi kunjila mbuli missionari. Aboobo nzila biyo Nje konzya kunjilila, kumusanza... Ndi inka ku Kenya, Uganda, a—a Tanganyika. Elyo nzila biyo Nje konzya kunjilila... Kusaanguna, mambungano taka kuzumizyi kunjila, nkaambo bayanda kuti ndikakambauke cintucimwi aa lubazu *olu* a lubazu *olo*, kumusanza mu Africa. Elyo Nse kaunki mu nzila eyo. Nse konzyi kuba sikuupaupa ukkwene kucita ceeco. Aboobo Ndi sala kubaambila, "Peepe, munene, Njo kambauke buyo eco Leza ncabikka aa moyo wangu, mpawo kwamana." Wabona? Elyo Ndili masimpe tacikabi eco ncoba sola kundibamba kuyiisya. Aboobo, lubbizo lwabutatu, a zimwi zimbi mbuli zeezyo, a kukwankana a mbabo. Peepe.

<sup>19</sup> Pele Nda kalombwa ku muswaangano mupati, aa Mukwesu Boze. Uli munsi loko buyo a kuboola kubona kupasuka kwamumuni kuli ceco nco tusyoma. Elyo aboobo Nda kalombwa kubako mbuli kuti Ndali kuunka ku lweendo lwa kuvwima. Ikuti naba ndilekela kubako, mbuli kwiinkila kuvwima... Ikuti na Nda konzya kujana muntuumwi unga waamba ku nditola kuyovwima, mpawo cindi Nda akusika okuya, mwiiyi—i mwiiyi uli kokuya ku busena bwiiminina cisi muli cimbi, walo mweenzuma cigaminina, kuzwa ku Chicago. Elyo Nda kunjila buyo okuya, walo uuti, "Ee, ngooyu Mukwesu Branham awa. Atube a muswaangano." Aboobo, Nda mana kuba kokuya, busena bwiiminina cisi muli cimwi tabukonzyi kundi kakila.

Ikuti na ba... Aboobo basola kucibeleka kumanizya lino. Aboobo Nda syoma kuti ci... Ikuti na nduyando lwa Leza, ciyo beleka munzila eyo. Mwabona? Ca—ca tuulwa buyo kuli Nguwe. Ikuti na pe, mpawo Njo muzibya. Nse ka...

<sup>20</sup> Ikuti na nduyando lwa Leza, mpawo, Ndi yanda kukanana a Myeembo ili Ciloba. Elyo kuyooba kutandila kuswaangana kwa mazuba ali lusele, alimwi ta tukabi kokuno ku cikombelo, antela. Tu sola kujana buyake bupati okuno.

<sup>21</sup> Lino Nse kayeeya, zya buyake obu bupati bupya kuba buyo kuyakwa okuno, mpempawo Mpe kabona Jesu ciindi citaanzi mu cilengaano. Lino bwayakwa, buyake bupati buli yakidwe mpoonya aa kasena nkakonya. Nda kaunka nkoonya okuya buzuba bumwi, kulanga. Cindi ni Nda kalanga a ku Mu bona kalangide kujwe, mula ndiyeyya nke caamba, cindi Ne kali kubusena bumwi kukombela bataata; ii—ii mulombe muniini, mukambausi buyo muniini. Nko nkuko Nkwe ka Mu bonena. Ntaamo, kulanga kuli Nguwe; Wa kanyonede mutwe Wakwe ku lubazu kuzwa kuli ndime. Nda kazumanana kweenda kuzunguluka, kululamika kameneno kangu, mu muunda wa zipyango. Elyo Nda kazumanana kulangilila, elyo kwiina Na kanyona. Mpawo Nda kaita Zina Lyakwe, "Jesu." Elyo Wa kacebuka, katandabika maboko Akwe, elyo nku koonse Nkwe yeeya kusikila kukupasuka kwamumuni. Elyo aboobo Nda kajokela kuzwa mu muunda, antoomwe kuya kukupasuka kwamumuni.

Aboobo ndiza Mwami uyo ndilekela kukambauka eyo Myeembo okuya. Kufumbwa mbocibede, luyando lwa Leza lucitwe.

<sup>22</sup> Amu jule mu Mabbabbele anu lino, kuli Isaya makumi osanwe... cipati 53 ca Isaya.

Lino, tu syoma kuti Leza uyo longezya kubeleka kwesu kukompeme akuboola antoomwe cifumo cino. Twa sika calino kuzwa ku Philadelphia, oko Nkwe kabede ku muswaangano mupati wa Basimakwebo ba Makani mabotu Aazwide, a kuswiilila ku bumboni bwabo bwandeene a zimwi zimbi, kutala okuya.

<sup>23</sup> Mpawo Mebo, mu lweendo nkeselemuka, Nda kali... Billy Paul a Mebo, a Rebekah a kasimbi kabana Collins, Betty Collins muniini. Elyo Billy ngu sikoona mubotu loko, a Becky mubotu kwiinda, alimwi aboobo Mebo... Betty a Mebo twa kaizya. Elyo waa kali kkede kusule antoomwe a Becky, mu cuuno ca kusule. Elyo Nda kabona cintucimwi aa mugwagwa, cakacitika, alimwi, cindi Ne kabona, cintucimwi caka ndijata. Elyo Betty, ikuti na nkwalii, waa kabona kuteeti Nda kaleka kwaambaula a katalika kulemba cintucimwi apepa. Nko nkuko Nkwe kajana cibalo eci ca cifumo cino.

<sup>24</sup> Lino atwiime ku matende esu. Ikuti na twa... Lino tula ima mu kulemeka ku Ijwi lya Leza, mbuli Mbwe bala Isaya cipati 53.

*Nguni wa zuminia bulunguluzi bwesu? alimwi nkuuli ni kuboko kwa MWAMI nko kwayubunwida?*

Amubone, walo mubuzo, ku kutalisya.

*Nkambo uyo kula kumbele lyakwe mbuli cisamu cantengantenga, alimwi mbuli muyanda kuzwaku... ansi njumu: ta jisi ciimo nanka bwiime bwa bubotu; alimwi cindi twa kumubona, kwiina bweebesi mbo tweede kumuyandila.*

*Ula sampaulwa a kukakigwa ku bantu; muntu wa buusu,... ubwene maciswe: elyo twa kasisa mbuli kuti akali masyu esu kuzwa kuli nguwe; wa ka sampaulwa, nkabela tee twa kamulemeka.*

*Masimpe wa lemenuwa macise esu, alimwi wa yumuna buusu bwesu: nekubaboobo twa ka mulanganya kukwipulwa, kuumwa kwa Leza, a kupenzegwa.*

*Pele wa kaumwa nkaambo ka nsotoko zyesu, wa kacuzaulwa nkambo ka milandu yesu: kukomwa kwa luumuno lwasu kwakali ali nguwe; elyo ku mibunda yakwe twa ka ponesegwa.*

*Toonse tuli mbuli mbelele zyaka pambuka; twa tola nzila umwi aumwi yakwe njayanda mwini; elyo MWAMI wa lemezya ali nguwe mulandu wesu toonse.*

*Wa kafwabisigwa, alimwi... waka penzegwa, nekubaboobo ta kabbanuna mulomo wakwe: wa ka letwa mbuli kabelele ku kujaijwa, a mbuli mbelele kumbele lya basikugela bayo... kataambi, aboobo ta kabbanuna mulomo wakwe.*

*Wa kagusigwa mu ntolongo a kuzwaku lubeta: alimwi nguni uyo lungulula nzyalani yakwe? nkambo wa ka gusigwa kuzwa ku nyika ya baumi: nkambo ka nsotoko zya bantu bangu wa ka kwabbaulwa.*

*Elyo wa kasya cuumbwe cakwe kubelesya babi, a bavubi mu lufu lwakwe; nkaambo ta ka cita bubi, naanka kuti kwa kajanwa lweeno mu mulomo wakwe.*

*Nekubaboobo caka botela MWAMI ku mucuzaula; wa... ka mubikka mafwabi: cindi noya kubamba buntu bwakwe kuba cipaizyo ca cibi, uyo bona lunyungu lwakwe, alimwi uyo vuzya mazuba akwe, alimwi kuyanda kwa MWAMI kuyo zwidilila mu janza lyakwe.*

*Elyo uyo bona kutongela kwa buntu bwakwe, alimwi uyokkutila: kwiinda ku luzibo lwakwe bazike banji baluleme bayo lulamikwa... banji; nkambo uyo bweza mulandu wabo.*

*Nkikaako Ndi yo abaula caabilo a bapati, a...  
kuyo abaula zisaalo a basintaze; nkaambo wa tila  
buntu bwakwe mu lufu: alimwi kubalwa antoomwe a  
basinsotoko; a kuyumuna zibi zya banji, a kubamba  
kukombelezezya kwa basinsotoko.*

<sup>25</sup> Taata Leza, Ijwi Lyako ndi Lampi, Mumuni uyaka mu kazila ka musyomi aumwi kunjila mu Busyu bwa Leza, mbuli Mbo utubweza mbuli muzenge mu janza lyesu. Tona tubambilila kweelede kuti tukonzye kubona mamanino kuzwa ku matalikilo, alimwi, pele Nde enda a lusyomo. Pele mbuli muntu inga weenda musyokwe lya mudima masiku, nkabela oko nko tubede; mumuni oyo ngwa jatilide, ubambilila buyo ku ntaamo a ntaamo. Pele kazila, nekubakuti kasololela mujulu, kweenda buyo a Mumuni. Elyo akube kuti Mumuni umunike sunu aa Ijwi, ku tu sololela ku ntaamo yomwe ambele ku Bwami bwa Leza. Nkambo twa cilomba mu Zina lya Jesu. Ameni.

Amu kkale.

<sup>26</sup> I ciiyo Nce limvwa ku kanana ku mbunga sunu nca: *Cipange Cilondo*.

Ndiza inga caboneka kuba ceenzu kubweza ii—ii kubala kwa Lugwalo mbuli olu, ca—ca cimwi ca zifwanikiso zyabujayi a cakacuzaulwa maningi zya Bbaibbele, kuti cindi Bbaibbele nelyaamba, kuti, “Oyu Muzike ulondokede waka penzegwa, a kucuzaulwa, a kuzapulwa,” elyo nekubabobo kubweza cibalo kuzwa kuli ceeco, mbuli, *Cipange Cilondo*. Nceenzu maningi. Pele Ndili...

<sup>27</sup> Muyeeyo wangu ulayeeya, cifumo cino, mbuli mbo tweenda kupiluka, Nda kacita, kwa myaka misyoonto. Nda katambwa ku Forest Lawn, mu—mu California, kutala lya Los Angeles. Bukanze bwangu butaanzi kwiinda kutala okuya bwakali bwa kuswaya i—i cuumbwe ca—ca Aimee Semple McPherson, sikutalisya wa nkamu ya bantu baku Foursquare. Elyo Nda kaunka ku kabanda kakwe—kakwe. Elyo nekubakuti Nda—Nda kaimpana a mwanakazi, mbuli mukutausi, pele, kwalo, mu moyo wangu, Nda kapa kubotelwa a bulemu ku—kuli eco nca kaiminina, mu i—i oora, alimwi kupenzegwa a zintu mwa kainda, a muciindi cakwe mukuba awa a nyika. Elyo mpawo ku mwana wakwe—wakwe muyandisi, uuli mweenzuma wa munsi, Rolf McPherson.

<sup>28</sup> Elyo nkamu ya bakutausi, twa kaunka kutala okuya. Elyo ba...tii twa kajisi ciindi caku njila mu i—i...mu i—i busena nko baumpila mitunta ya bantu, a kubikka i—i mibili mu ii—ii kabbokesi kaniini ku lubazu lwa bwaanda.

<sup>29</sup> Elyo omuya baka jisi zintu zibotu maningi, mbuli Cilalilo Camamanino. Elyo cila mwekelwa a mumuni wini wa zuba. Elyo ba—ba kajisi cijazyo cibapa... Cindi ni banjila, walo mumuni; alimwi mpawo mbuli—mbuli mbo bakatalika ku kanana, ula

sizya. Elyo kwainda kaindi kula siya koonse, elyo mpawo bantu balazwa. Elyo balalya Cilalilo boonse.

<sup>30</sup> Elyo mwanakazi waka jisi maseseke anzila ya kubumba gilazi mu busena obu, baa, bamba zifwanikiso ezi, baa, ca—ca kasikakwiinda mu mukwasyi, kwa myaka minji yakainda. Elyo arti yakapegwa buyo ku bana, elyo wamamanino wakali mwanakazi. Elyo bakali kupanga cifwanikiso eci. Elyo cindi niba kaunka kuyo bumba a kuumpa i—i gilazi, ku lijika, ca Judasi Isikariote, ya kabbotoka. Aboobo mpawo bakaisola alimwi, elyo yakabbotoka alimwi. Elyo waa kati, "Ndiza Mwami wesi tayandi sinkondo Wakwe kubikkwa ku cifwanikiso kumbali Lyakwe." Elyo kati, "Ikuti na libbotoke alimwi, ta tuka zulizyi cifwanikiso." Pele caka jatilila ku ciindi eco. Mpawo, mubwini, eco cakali cintu cibotelezya, a nzila zintu mbuli ezyo kuti inga zyacitika.

<sup>31</sup> Pele, mpawo, cimwi ca zintu zipati caka ndibotela mu Forest Lawn, cakali ca Michelangelo, cibumbwa cipati, i—i cintu ca ciibalusyo ca Musa. Calo ii—ii cipangulule okuya, mubwini. Tacili citaanzi cini, pele cakali bobu ii—ii cipange cilondo cipati. Elyo mbuli Mbwe kaima a ku cilanga, Nda—Nda kaciyanda eco, cintucimwi ciboneka mbuli kuti ci (ciiminina) jisi cintucimwi kuli ncico.

<sup>32</sup> Nda botelwa arti, kabotu kapati. Nda syoma Leza uli mu arti. Nda syoma Leza uli mu ziimbo. Nda syoma Leza uli mu bulenge. Leza nkiali koonse. Elyo kufumbwa cintu eco ciimpene ku citaanzi cini ndusandulo sandulo. Leza mwali mu kuzyana; kutali musyobo wa kuzyana nko mucita awa. Pele cindi bana basankwa a basimbi iba Leza banooli mu Muuya wa Leza, mwabona, oko nko kuzyana. Pele mbuli mbo twa kalwanina eco mane tuu okuloko cifumo cino, kutala okuya mu kagwagwa, olo ndolusandulo sandulo lwa ncico.

<sup>33</sup> Pele, eci, a cipange cilondo eco Michelangelo ncaka—ncaka panga, ca—ca kamutolela cintucimwi kucita ceeco—ceeco. Wa kali muntu mulemu, elyo caka mutolela cibeeela cipati ca buumi bwakwe, nkaambo wa kali mu myaka minji minji mu kubeza. Kubweza buyo mwaala a wa—wa bbwe jumu, a kuzumanana kuli beza. Elyo, mwabona, alikke muntu, mubumbi mwini, ka jisi mu tuyeyeo wakwe eco ncakali kusola kucita. Ngo, ngo nguwe. Inga weenda kumbele a kwaamba kuli nguwe, "Ukwama nzi a mwaala oyo?" Kuli waanze, oyo utazi cili mu moyo wakwe, mbufuba. Pele ku muntu, mubezi mwini, walo—walo ujisi ii—ii cilengaano mu tuyeyeo wakwe, eco ncali mukusola kupanga, a kusola kuleta eco cili aa tuyeyeo wakwe mu ciimo ca ii—ca cintu ca ciibalusyo. Ako nkekaambo ncali kubeza kuzwa ku myaala.

<sup>34</sup> Elyo eci, ku cita, weeledede kutalika kabotu, ku matalikilo, elyo weeledede kutobelwa mukozyanyo. Mwabona? To konzyi kujana kabeela kaniini, ku kutalika, "Tuyo cibamba nzila eyi; peepe,

Nda syoma . . ." Peepe, weelete kuba a mukozyanyo wini. Elyo mu muyeeyo wakwe uli jisi mukozyanyo oyo. Elyo takonzyi kwiimpana ku mukozyanyo oyo. Lino, kutegwa kucitwe eci, wa kacita kudulowa mu muyeeyo wakwe, nkaambo tatu jisi zifwanikiso zini zya Musa, pele wa kajisi kuba a cifwanikiso cakuyeeyela mu muyeeyo wakwe, ca mbubonya obo Musa mbwa kabede.

<sup>35</sup> Lino, mubumbi wini inga ulinanikidwe, mbuli sikuyabilia wini, na kufumbwa mwiimbi, sikulizya zilimba wini, kufumbwa mbwanga waba. Boonse beni beelete kuboola kwiinda ku bunanike. Michelangelo kweelede kuti waka jisi bunanike bwa obo Musa mbwakali kuboneka ncobeni. Elyo wa kabujata mu muyeeyo wakwe, obo Musa mbwa keelede kuba. Aboobo wa kabikka a cibela eci cipati ca bbwe, kutenda ku mukozyanyo, a kucesya, a kubambulula kuceya, kusikila wa kajana cifwanikiso cini eco nca keelede kuti wakali jisi mu muyeeyo wakwe.

<sup>36</sup> Elyo mpawo cindi na kacibamba coonse kulondoka maningi, kugwisya ziimbi zyonse, a busena boonse kulambwa lambwa, a meso kabotu buyo, masusu oonse, a cilezu, zyoonse buyo nzila mbo cakabede, wa kaima a kucilanga. Ndi—Ndi yeeya zya—zya myaka, minji minji yakubeleka anguzu, a nzila mbwa kajata cilengaano eco nciconya ciindi coonse, mu muyeeyo wakwe, kwa ceeco ncakali kuyo cita. Elyo amuyeeye buyo, eco cilengaano aa muyeeyo wangu kwa myaka minji loko, ku cibamba kuboneka mbubonya buyo kuli eco mbo cakabede! Wa kajata cilengaano citaanzi, a nzila mbwa kabeleka ku cilengaano eco, kubeza a kunengulula! Elyo cindi nakasika oko nku cakalondoka, mane cakalondoka ncobeni; wa kaima a ku cilanga cindi na kamanizya cifumo eco, kabelesya nsando mu janza lyakwe.

Elyo wakali nanikidwe kapati cindi na kacilanga, nkaambo cilengaano ca muyeeyo wakwe cakali imvwi kunembo lyakwe, mu kasimpe. Eco nca kabona, alimwi i . . . muzeezo wakwe wa Musa mbwa kabede, nceeco icibeza kunembo lyakwe, eco nca kajisi mu moyo wakwe myaka eyi yoonse. Elyo kufwaba, a maora a buusu a kupenga, a basibutongo, a zintuzyoonse zimbi, pele nekuba wa kakkala ncobeni a cilengaano kusikila caka zulizigwa.

<sup>37</sup> Elyo mpawo nicaka zulizigwa, wa kazunguluka a nsando, na nsando ya mubumbi, mu janza lyakwe, alimwi wa kalanga cintu ca ciibalusyo eco. Elyo bunanike bwa cilengaano obo mbwa kabwene, ku nzila yakucicita, kamunanika kapati mane wa . . . I bunanike bwa kamuuma mane wakabwezwa, a ku cuuma a gondo, a kuti, "Kokanana!"

<sup>38</sup> Lino kuli kampenda a cikozanyo eco cipati, aa gondo, aa gondo lya lulyo. Atalatala a gondo, kutandila mainci ali cisambomwe, mbusena (Nda kabikka janza lyangu ali ncico) kutandila bulamfu obo.

<sup>39</sup> Nakamana kubelesya ciindi eco coonse, kwa myaka a myaka, kupanga eci; mpawo kunsi i—i koongelezegwa kubona kuzulizigwa oko nkwa kabona mu moyo wakwe a mu cilengaano cakwe, a kuyandisy a kubona, caka manizigwa. Elyo cindi nica kamanizigwa, wa kananikwa loko kuli ncico mane wa kayeeya kuti cipange cakwe cilondo cakeelede ku muvwiila. Elyo wa ka cuuma a kuulu, akaongolola, “Kokanana!” Elyo caka panga kampenda ali ncico. Ca kabikka kampenda aa cikozyanyo.

<sup>40</sup> Kuli ndime, kapapu nke kakacipanga kuba cipange cilondo. Lino, ndiza ku i—i muyeeyo oyo unga wayeeya bwaandeene, muyeeya kuti ako kakacibisa. Peepe, kuli ndime, ka—ka cipanga mbo cakabede. Ka—ka... Nkaambo kwiinde myaka minji loko ya mulimo wakupakamana a kufwaba, a bunanike, a zimwi zimbi, ya kucibamba, kufwaba kwakwe kwakatondezya kutaba mubuyo. Cakali londokede, elyo nke kaambo nca koompolola, “Kokanana!” Nkaambo, wa kabona kunembo lyakwe kuti wa (wakali) kakonzya kuzwidilila, ku zwidilizya cilengaano eco cakali mu muyeeyo wakwe. Elyo aboobo, kunsi lya bunanike, wa kacita cintucimwi kuzwa ku kaambo, kuzwa kuli cizizilwe. Wa kacuma, a koongolola, “Kokanana!” Mwabona, nekunga naata kacicita ikuti nataka yeeya. Pele ta kayeeya. Bwakali bunanike bwa kabona eco nca kajisi mu muyeeyo wakwe kacikkede awo cakulondoka kunembo lyakwe.

<sup>41</sup> Kufwaba kwakwe, a kukatala, a masiku malamfu, nkabela kasisidwe ku inyika kwa mazuba, elyo ndiza kulya sandiwici. Elyo—elyo kukumba ali ncico, a kujokela, a, “Peepe, eyo taili nzila ncobeni mbo cakabede. Lino ceelede kuselemukila kuli *ceeci*,” a ku cikumba. Mpawo cindi na kacibona, kulondoka ncobeni, mpawo wakabona mu kasimpe. I cimvule ca ceeco cakali mu muyeeyo wakwe cakaba cini, cakaba cintucini, nkaako caka sonsa muli nguwe. Elyo cakali kasimpe loko cakuti wa koompolola, “Kokanana!”

<sup>42</sup> Kuli ndime, cakali citondezyo. Cakali—cakali cilumbaizyo ku mulimo wakwe, cakuti mulimo wakwe wini waka munanika loko, cakuti wakabwezw a kucuma a kwaamba kuti, “Kokanana!”

<sup>43</sup> Nda kaima awo a kulanga cintu ca ciibalusyo. Nda kayeeya maora muntu nga keelede kuti wakabikka, mu kupanga eco. Ba laamba myaka minji mbo kwakabede. Pele ca—ca kali citondezyo kuli nguwe, nkaambo ca kali caku sanga ku arti yakwe—yakwe mpati, mulimo wakwe mupati wa ceeco ncakali kucita. Elyo kumalekelo cindi na kakonzya kucizwidilizya, cakali cilemu kapati.

<sup>44</sup> Lino atu jule peegi, lya Michelangelo, a kujala bbuku.

Elyo atu jule Bbuku limbi a kubala zya Mubumbi mupati, Singuzuzyonse. Oyo, kakutanaba inyika, alimwi ntalisyo kazitana kuyalwa, Wa kali jisi mu muyeeyo Wakwe eco Nca

kali kuyanda, nkabela Wa kali kuyanda kupanga muntu mu cinkoza Cakwe Mwini. Wa kali kuyanda kupanga cintucimwi mu—mu kasimpe ka ceeco cakali cilengaano kuli Nguwe, eco cakali mu kuyeeya Kwakwe.

<sup>45</sup> Lino, kuli Michelangelo, obo bwakali bube bwa muzeezo wakwe.

Elyo Leza wakali kuyanda kupanga muntu mbuli cinkoza Cakwe, Mubumbi mupati, nkabela Wa katalika kumubamba. Elyo tula bona mbuli Mbwa kayaka kuzwa ku zibelesyo. I citaanzi antela zyakali inswi, elyo mpawo bayuni, elyo—elyo mpawo zintu ziyavula aa nyika, elyo—elyo zintu zinji ezyo Nzya akaleta. Pele, kumalekelo, mbuli Mbwa akali kukumba, mukuba Cilenga, Wa kajisi... Ta kali mbuli muntu, lino, mubumbi oyo weelede kubweza eco cakalengwa, kugwama cinkoza. Wa kali Mubumbi wa zintu Zitamani. Wa kali Mubumbi wakali kukonzya kulenga a kuleta zintu mukuba ezyo Nzya kajisi mu muyeyeo Wakwe zya kucita. Na, bumbi, Ula konzya kupanga cibelesyo eco bube Bwakwe nco bwakayanda.

<sup>46</sup> Elyo mbuli Mbwa katalika kubeleka zintu ziyavula, mbuli aa i—i—i banyama baniini aa nyika. Elyo mpawo Wa katalika kucileta kuzwa kuli eco kuba cintucimwi cimbi, caatala maningi. Mpawo kumalekelo Wa kacileta mukuba banyama bapati loko, mbuli syuumbwa, siluwe, masekese. Mpawo Wa kacileta mukuba i—i—i buumi ndiza bwa—bwa basokwe a bapombo, a bamwi bambi. Lino, kutali kuya busumpuka bucebuce, mbuli mbo tu yeeya kuti umwi wa kaboola kuzwa e... Obo bwakali bulenge humaninide; Leza kabeleka mu bubambe.

<sup>47</sup> Pele kumalekelo mpaawo kwaka yutuka a nyika, bulondosi, elyo oyo wakali muntu. Elyo mpawo Wa ka konzya kubona mu muntu oyo, kuti wakali kulibonya mbuli Nguwe. Aboobo lino cindi Na kakonzya ku mulanga, wa kali citondezyo ca obo Cilenga wakwe mbwa kabede. Leza mpawo wa kakonzya kuzwidilizya cintu Nca kali kuyanda, muntu mu cinkoza Cakwe Mwini.

<sup>48</sup> Elyo mpawo inga Nda amba, kuli ceeci, kuti, cindi Na kapanga muntu oyu, kwakali cintucimwi kujatikizya nguwe kwalo catakali kuboneka kabotu ncobeni, nkambo kakuti wa—wa kali alikke. Elyo mbo mbubo Leza mbwa kabede, Alikke; Wa kali Utamani. Elyo muntu lino, mu cinkoza ca Leza, awalo wakaba aa nyika kaliponena alikke. Aboobo We elede kuti wakauma nyindi iniini ku lubazu lwakwe lwa lumwesi, elyo kuzwa awo Wa kabweza kabeela kuzwa kuli ncico a kumu bambila mugwasyi, mukaintu, mpawo takacili alikke. Wa kali—wa kali, wa kali antoomwe a muntuumwi. Elyo oyo wakali mulimo Wakwe mupati.

<sup>49</sup> Elyo, Walo, mbuli mubumbi uli oonse mupati mbwanga wabweza cipange cakwe—cakwe—cakwe cilondo . . .

Lino, kusaanguna, Wa kajisi cipange cilondo ca Lwakwe. Pele lino Wa kabona kuti cipange cilondo caka jisi bukata, mbuli Mbwa kabede, aboobo Wa kaabaula cipange cilondo kwiinda ku kucuumma mu lubazu a kuleta mugwasyi.

<sup>50</sup> Elyo lino, kubamba zyobile kuba comwe, Wa kababikka, mbuli mubezi uli oonse mupati, mu busena kuti—kuteeti nceebesi.

Ii—ii mubumbi inga tapanga cipati cilondo, elyo mpawo ku cibweza a kucibikka mwakwiinda mumanikide kumwi, na kucisisa kunze lya mayake. Mbuli Mwami wesu mbwa ka twaambila, “Ii muntu tayasyi kkendulo a kwiibikka kunsi lya cisuwo.” Cindi twaba zipange zya Leza zilondo, ta tuisiwi mwakwiinda mumanikide kumwi. Twe—twe elede kupa Mumuni.

<sup>51</sup> Aboobo tula bona kuti—kuti Walo, Na kamana kupanga cipange eci cilondo, Wa kacibikka atala lya nyika, a kucibikka mu busena buboto kapati bwakaliko, mu muunda wa Edeni. Wa kabikka cipange Cakwe cilondo, bobilo kuba omwe, mu muunda wa Edeni. Obo mbo cakeelede ku Mu botezya, cakuti Wa kabona kuti cipange eci cilondo cakali kabotu. Walo, kumane obo, tu jana kuti Wa lyookezya; Wa kabotelwa kapati a mulimo Wakwe.

<sup>52</sup> Lino amuyeeye kuti, muzeezo wangu, cipange cilondo nkuumwa oko kwa kabisya cipange cilondo ca Musa cakapangwa aa Musalali Angelo mu cintu ca ciibalusyo.

Elyo kwakali kuumwa oko kwaka tenda lubazu lwa cipange Cakwe cilondo, oko kwakaleta nabwiinga. Elyo lino tula babona mbuli mukwasyi wa cipange cilondo mu muunda wa Edeni. Obo mbo cakali cibotu! Elyo caka Mu botela kapati, mane Wa—Wa kaba aku lyookezya mpawo. Wa kat, “Nda, Ndiyo lyookezya.”

<sup>53</sup> Pele kuciindi Na kali ku lyookezya a kusyoma ku cipange Cakwe cilondo, sinkondo Wakwe wakanjila a kujana cipange eci cipati cilondo. Elyo wa, ku lweeno, wa—wa kasobeleta kunsi i—i lya malambo aa muunda, elyo mpawo wa—wa kabisya cipange eci cilondo cibotu. Wa—wa kacibisya, kutegwa ci—ci we.

<sup>54</sup> Lino Ndi sola kulangilila nkoloko eyo. Elyo Nda lomba Mike, mujwa wangu, kulizya mulangu oyo mu maminiti ali makumi otatwe, pele Nda . . . Ta cicita pe, alimwi Nda ba kale a maminiti ali makumi otatwe. Pele, cili, tula zumanana aniini. Mwabona? Lino, Nse yandi ku—ku tyola milazyo eyi. Nda—Nda kapanga milazyo eyi, mwabona, alimwi Ndi—Ndi . . . alimwi nkooku kutyola mulawo wanu wini.

<sup>55</sup> Lino amubone, mpawo, cipange eci cilondo. Cindi Saatani naka cijata, mucengi, kadonkola kwiinda mu malambo, elyo—

elyo wa kabisya cipange eci cilondo. Nkaambo nzila eyo mbwa kacicita, cintu... Mbobuti mbwa kacicita? Ndiyo njila kunji mu kusakana kwa ncico. Obo mbwa kacicita, cakali... Eci cipange cilondo cakapedwe nsana ku Ijwi, Ijwi lya Leza. Elyo cipange cilondo, lwaco, ca mukwasyi, cakali kwabilidwe ku Ijwi eeli. Pele cibeela cakapwaika, cakatyolwa kuzwa ku citaanzi cini, kazwa kwiindilila bulambo obo, cakapa Saatani coolwe caku cibisya. Elyo lino mbuli mbo muzi eco Nce syoma aa zintu ezyo, aboobo Nse kowamba eco. Pele cipange cilondo cakatyolwa.

<sup>56</sup> Pele, Mubumbi mupati, cindi Na kabona kuwa kwa mukwasyi Wakwe, cipange cilondo, Ta kali bambilide kucisiya buyo kacilede awo, kacivundeme, a kunyongana. Wa kaunka kukubeleka, mpoonya awo, kuciyaka alubo. Ta kali bambilide kuti cinyonyooke, kacilede awo mbuli obo ciindi coonse. Nkaambo, Ngu Leza, elyo Ta kazundwi. Aboobo, Wa kaunka kabeleka mpoonya awo a katalika kuyaka, alubo, ku cinkozya Cakwe Mwini, muntu.

<sup>57</sup> Lino, tu jana kuti inyika ya zambangulwe ya kaboola a kunyonyoona cintu coonse, nkaambo zipangano ezyo zyaka pangwa, zyaka pangwa kukuyaamina kuli cimwi, "Ikuti na utaka citi *eci*, na ikuti uka cite *eco*." Leza, Mubumbi mupati, kabona kuti muntu takali kukonzya—takali kukonzya kubamba zipangano. Ta konzyi ncobeni kucicita. Taakwe nzila buya pe.

Ku muswangano wakubuzyanya ciindi cisyoonto cainda Ndali kwaambaula ku muntu mu kaanda, oyo uuliko lino. Wati, "Pele, Mukwesu Branham, Ndi jisi zintu zinji maningi nze Ndi—Ndi zyi zilubide," elyo ii—ii mwanakazi muubauba munaleza.

<sup>58</sup> Nda kati, "Pele—pele, langa, mucizi, to elede kulilanga. Nkuyandisyia buyo kwako mbo kubede a ceeeo nco sola kucita. Elyo ikuti na ula muyanda ncobeni Mwami, kosola ku Mu belekela a moyo wako oonse, elyo mpawo bulubizi bwako boonse buyosiswa mu Bulowa bwa Mwami Jesu." Mwabona? Mwabona, Wa kabamba nzila.

<sup>59</sup> Aboobo Wa katalika lino, kubweza muntu kuzwa ku zipangano Zyakwe, zya—zya kwaamba kuti, "Ikuti na uyo, Ndi yo." Elyo Wa katalisy a muntu uutegwa Abrahamu, a kupa kuli Abrahamu cipangano, kakutakwe kuyaamina kuli cimwi. Ciindi coonse Na kali kunga watalika cipange cilondo, Saatani wakali kunga wasika kuli ncico, nkaambo Ijwi... Pele cindi Na katalisy Abrahamu, Wa kati, "Nda kacicita kale." Lino eci tacikwe mulazyo, kutali cintu... kuti—kuti, "Ikuti na uyo, Ndi yo," pele, "Nda kacicita kale." Lino Walo, i—i Mubumbi, uli kanzide kuba a cipange eci cilondo.

<sup>60</sup> Mpawo, kuzwa kuli Abrahamu, kwakaboola basikale. Elyo basikale incobeni... Lino ncinzi Leza ncacita? Walo uyakulula eci cipange cilondo eco cakawa. Aboobo, muli basikale, kusaanguna tu jana kuti wakali Abrahamu.

<sup>61</sup> Lino amulangilile, cipange cilondo coonse cibikkwa aa ntalisyo, cibumbwa. Cintu ca ciibalusyo ica Musa cakapangwa aa Angelo cili ali totatwe-na kabeela ka tukokola tone twa bbwe jumu. Cili jisi ntalisyo. Aboobo, Leza, mu kubamba eci cipange cilondo, Wa kacibikka aa ntalisyo ya basikale. Elyo ntalisyo ya basikale, kusaanguna, wakali Abrahamu, mpawo Izaka, mpawo Jakobo, mpawo Josefa, makkona one.

<sup>62</sup> Elyo, lino, Abrahamu wakali ntalisyo ya lusyomo. Atwaambe kuti yaka jisi ntalisyo zyone. I ntalisyo ya lusyomo wakali Abrahamu. I ntalisyo ya luyandisyo wakali Izaka. I ntalisyo ya luzyalo wakali Jakobo, luzyalo lwa Leza kuli Jakobo; uli oonse ulizi obo. Pele muli Josefa mwakali bulondosi, mpaawo Mpa kali kukonzya kusimpa cintu ca ciibalusyo; kutali a ntalisyo ntaanzi pe, ntalisyo yabili, ntalisyo yatatu, pele aa ntalisyo yane.

<sup>63</sup> Abrahamu wakatondezya Kristo, mubwini; mbubonya Izaka mbwa kacita, mu luyandisyo. Abrahamu wakacita, mu lusyomo; Izaka wakacita, mu luyandisyo; Jakobo wakacita, ku luzyalo Lwakwe. Nkaambo, *Jakobo* caamba, “mucengi,” nkabela obo mbwa kabede, pele luzyalo lwa Leza lwakali a nguwe. Pele cindi nicakasika kuli Josefa, taakwe cintu cimulwana, kakwalu buyo komwe kaniini, nkambo ntalisyo ayalo yeelede kuba cipange cilondo. Cindi na kaambila bawisi, musinsimi, “Kaambile Farao kuti bantu bako mba—mba sikuvuba ng’ombe kutali beembeli bambelele, nkaambo mweembeli wambelele ncisesemyo ku muna Egepita.”

<sup>64</sup> Pele cindi musinsimi mudaala nakasika kumbele lya Farao, wa kati, “Bazike bako mbeembezi babanyama.” Aboobo caka cikwala, mwabona, ako nkekaambo cicicibamba cipange cilondo.

<sup>65</sup> Lino ntalisyo ilala zikwa, kwiinda ku lusyomo, luyandisyo, luzyalo, a ku bulondosi, kwiinda muli basikale.

<sup>66</sup> Lino mulimo wamibili oyo uboola kuli eci cipange cipati cilondo bakali basinsimi, abo bakali Ijwi. Nda syoma inga mwa cibala. Mwabona? I basinsimi; kutali milao! I basinsimi, nkambo basinsimi bakali Ijwi lya kasimpikizigwa eelyo libamba mubili; kutali basikale. I basinsimi, bakali Ijwi.

<sup>67</sup> Kumalekelo, mbuli Mbwa katalika kaindi mu mazuba a Musa a kuboola muciindi cakatobela kwiinda mu basinsimi, ku bukkalo abumwi. Elyo, kumalekelo, kuyaka mubili, kuboola munsi loko ciindi coonse. Elyo mupati kwiinda waboone wakali Johane. I Bbaibbele lya kaamba boobo. Jesu wa kacaamba. “Kwiina muntu, wakasola kuzyalwa ku mwanakazi, mupati mbuli Johane Mubapatizi,” nkambo wa kali umwi wakali kukonzya kuzibya Ijwi.

<sup>68</sup> Elyo mpawo kwakaboola, kumalekelo, Mutwe mupati, Mutwe wa boonse ba ncico. I cimbi ca mubili caka Ca amba buyo. I ntalisyo yakalazikwa a sikale; pele mubili wakayakwa ku Ijwi,

abo bakali basinsimi; elyo mpaawa kwaboola Mutwe wa boonse ba nguwo, Jesu wakasika aa cilao. Awo, cindi cibeela eci ca Mutwe nicaka bikkwa aali nguwo, tula jana muli Nguwe mulimo wamaanza oonse iwa Leza. Tula jana muli Nguwe kutondezegwa kwa bulondosi ibwa Ijwi, nkambo Wa kali Ijwi, buzule bwa Ijwi. Lino, alubo, Leza ujisi Cipange cilondo cimandinide alubo.

Mbuli Isaya wakati, “Amubone Muzike Wangu, Cipange Cangu cilondo, eco Nee katondezya kwiinda mu makkalo oonse ca oyu Umwi ulondokede uboola. Elyo mpaawa Uli imvwvi nkoonya kumbele Lyangu, kalondokede!” Awo, mu cinkozya Cakwe Mwini, kutondezya Leza! Nkambo Wa kati, mu Musalali Johane 14, “Cindi mwa Ndi bona, mwa bona Taata.”

<sup>69</sup> Elyo, mpawo, “Ku matalikilo kwakali Ijwi, alimwi Ijwi lyakali antoomwe a Leza,” alimwi Ijwi lya kabewa a kutondezya obo Ijwi mbolya kabede ku matalikilo. Walo, Ijwi, katondezegwa mu Cipange cilondo mu cikozyano Cakwe Mwini, Leza kujokela alubo mu cikozyano Cakwe Mwini, ciimo ca Ijwi muku tondezegwa mu cinkozya ca muntu, Cipange cilondo.

<sup>70</sup> Basinsimi boonse baka jisi tumpenda; boonse bamwi bakali cibeela. Pele awa, ku mamanino, uboola kwiinda muli eco, kumalekelo kwasika Cipange cilondo, Umwi uulondokede, taakwe kampenda muli Nguwe pe, kalondokede maningi cakuti wakatondezya Muyasi Mwini, cinkozya Cakwe Mwini caka tondezegwa mu mulimo Wakwe. “Leza a Kristo bakali Omwe,” cakuteeti kusikila Wa kabikka Muuya Wakwe Mwini muli Nguwe, elyo mpawo akwalo cinkozya a Muyasi bakaba Omwe. Leza a mulimo Wakwe wakubumba, Cipange Cakwe cilondo! Oko Musi—Musa nkwa kabede, mu mulimo wa Musalali Angelo, wakali ii...na Michelangelo, mubwini; wakali ii—ii mulimo wakubumba oyo wakafwide, nkaambo wakapangwa kuzwa ku bbwe. Pele awa, Muyasi Simalela, cindi Na kalondola mulimo Wakwe wamaanza, Wa kanjila muli Nguwo.

<sup>71</sup> Kalondokede maningi Munununi wa muntu, kalondokede maningi, sibuleza maningi; nekubaboobo, kwakanyina bwебеси mbo twa keelede ku Mu yandila. Cindi oyu Mwana wa Leza muumi wakazyalwa kuli nakalindu nakalondoka maningi, a kubomba, alimwi mu cinkozya ca Leza, kusikila Simalela mupati Oyo wakabusya Buumi Bwakwe kwiinda mu basinsimi... Elyo Wa kali kuzulizigwa kwa basinsimi boonse. Wa kali londokede maningi, kusikila, Leza mukubona obu, Wa ka Mu uma a koompolola, “Kokanana!” mbuli Michelangelo mbwa kacita. “Kokanana!”

Nywebo mwati, “Sa mbo mbubo?”

<sup>72</sup> Musalali Marko 9:7, tula jana, aa Cilundu Cakusanduka, cindi awo Musa nakaima, mulao, awo Eliya wakaima, basinsimi. Boonse kaindi kuzwa kuli basikale, matata, mulao, basinsimi, a boonse babo kabaimvwi okuya. Tula mvwa Jwi kaliseluka

kuzwa mu kkumbi, a kuti, "Oyu Mwana Wangu uuyandwa; amu Mu swiilile!" Elyo ikuti na bayo swiilila, We elede kukanana. Akali mazuba buyo masyoonto Ka tana kuumwa. "Oyu ngo Mwana Wangu, Oyo Ngwe botelwa kukkalamo. Nda ka Mu bumba. Nda kaba a myaka iili zyuulu zyone ku Mu bamba kuba boobu. Elyo lino, Uli londokede maningi, Nde elede ku Mu uma kutegwa Ako nzye kukanana. Amu Mu swiilile! Ngu Umwi uulondokede. Ngu, Ngu Cipange cilondo."

<sup>73</sup> Amuyeeye, Wa katondezegwa ziindi zyoonse, kaindi kwiinda mu Cizuminano Cakale.

Tula Mu jana mukuba Mwaala mu nkanda, oyo wakaumwa, Mwaala mu nkanda. "Ndime Mwaala oyo wakali mu nkanda." Pele eelyo lyakali bbwe lyaka talina sika ku bulondosi bwalyo. Pele mu ciimo ca cikozyanyo Ly a katobela mbungano, kunyonka kuli Ndilyo eco Nca kali kukonzya kunyonkwa, kupa Buumi kuli baabo Mba kali kukonzya kupa Buumi. Pele Wa kali Mwaala mu nkanda. Ta kalina bambwa kuba muntu pe. Wa kali biyo mu cikozyanyo.

<sup>74</sup> Musa waka Mu bona kaimvwi aa Mwaala oyu. Wa ka Mu bona kainda munsi, alimwi wa kati, "Ncibeela casule lya muntu." Nywebo mwabona, Mubumbi wakali kuzibya kuli Musa, oyo wakali cinkoza mubumwi ca Kristo, obo Cipange cipati cilondo mbo cakali kuyo boneka cindi ni Ca kali kuyo londolwa. Wa kainda Cakwe... Wa kayungizya, na—na katondezya kuli Musa cilengaano ca booboo Cipange cilondo mbo cakeelede kuyo boneka. Cakali cibeela casule lya muntu, cindi ni Ca kainda munsi mu nkanda.

<sup>75</sup> Amuyeeye, Angelo wakali kukonzya biyo koompolola a kuuma cinkoza, a kwaamba, "Kokanana!"

Pele obo mbo cakaandeene kuli Leza, Mubumbi mupati. Cindi Na kapanga muntu mu cinkoza Cakwe Mwini, cakulondoka maningi cakuti Ca ka Mu tondezya, Leza wakaambaula kwiinda mu cinkoza ca muntu, kuzibya eco Nca kali kuyocita. Wa kaambaula kwiinda mu basinsimi mbuli mbo bakali mu cinkoza cabu mubumwi, mbuli Mbwa kali kuyaka kusika ku Mutwe. Pele ciindi Na kanjila ku Mutwe, Wa cinkoza coonse ica Leza; Wa kali kulitondezya Mwini. Mpawo, wakauminwa ndiswe, lino Ngu Cipange cilondo kuli ndiswe, Cipego ca Leza, Jesu Kristo, Buumi Butamani. Nda syoma tatu kalubi eco.

<sup>76</sup> Mbuli mbo tu bona mazuba kasiya, mbuli mbo tu bona zimvule kazivumbilila! Cindi, Nda amba kumbele, "Nku zunguluka buyo kumbi kusyoonto kwa zuba. Eci cisi canyonyooka." Sena mwa kalizi...

Jilo, Kunkumunamasamu wane. Thomas Jefferson waka saina pepa lya bulempo lya kulilela, walo a nkamu imbi yeendelezya eyo yakali anguwe, a Mulangu wa Bulubusi

wakalila, elyo twa kaambwa kuba basikulilela, mbuli cisi. Kwendelana ku makani akale, kwakanyina mfulumende yakulisalila ku ciindi cili coonse kumamanino kwiinda ku myaka ili myaanda yobile. Elyo oyo wakali 1776, Kunkumunamasamu wane. Elyo tu syalilidwe buyo myaka ili kkumi aumwi. Sa ciyo cicita? Peepe, konzyi, mwabona. Myaka ili kkumi aumwi. Elyo, ikuti na cacita, ciyo tyola makani oonse akale.

<sup>77</sup> Elyo tula bona ciimo ca ciindi. Tula bona ciimo ca bantu. Tula bona ciimo ca tunzenyu. Tula bona ciimo ca inyika. Tai konzyi kwiima. Yeelede kubbila, mbuli Taitaniki. Yeelede kunyikila, nkambo zyabo zipa mweenya. Cisi comwe cipa busena kuli cimbi, mbuli mbo ciwa. Elyo bwami obu bweelede kuwa, alimwi bwami abumwi bumbi, kupa busena ku Bwami obo buboola, buta konzyi kuwa. “Nkambo tu tambula Bwami buta konzyi kuzunganizigwa,” kwiinda mu cinkozya eci cilondokede ica Leza, Cipange cilondo.

<sup>78</sup> Leza, cindi Na ka Mu langa, Wa kali nanikidwe loko! Wa kali booboo...ku Mu bona nzila Mbwa kaboneka, a ku bona i—i ciimo ca Nguwe, Wa kali nanikidwe loko cakuti nicakaba Cipange cilondo cimaninide ica Munununi, Jesu Munununi. Aboobo, Leza, kutegwa aumwe, Mwini; nkaambo, kubbadela cisubulo Cakwe Mwini, Leza a Kristo bakaba Omwe, aboobo Leza wakakonzya kuuma mu Cinkozya, Wa kakonzya kubikkwa bbata. Elyo nke kaambo Isaya nca kati, “Twa ka Mu langanya kuumwa a kupenzegwa aa Leza. Nekubaboo Wa kayaswa nkambo ka nsotoko zyesu, Wa kacuzaulwa nkambo ka mulandu wesu; kukomwa kwa luumuno lwersu kwakali ali Nguwe, elyo a mibunda Yakwe twa kaponesegwa.”

<sup>79</sup> I Cinkozya cilondokede, Leza Muntu! Leza, mu *en morphé*, waka cinca kuzwa ku Cigambyociinda kuyaku cilengaano, elyo cilengaano kayutukila mu Cinkozya. Elyo Cinkozya cakaumwa kutegwa Cigambyociinda cikonzye kulabila kulimvwa kwa lufu, Cipange cilondo cimaninide ica Leza.

Ta kakonzya kucicita muli Musa. Ta kakonzya kucicita mu basinsimi; Isaya, oyo wakazapaula a masaha mane wa kazapaulwa mu tubeela. Ta kakonzya kucicita mu basinsimi abo bakaumwa mabwe. Ta kakonzya kucicita, nkaambo Ta kakonzya kucimvwa; kwakali buyo cibeela ca Nguwe.

Pele muli eci Cipange cilondo cimaninide, Wa kali buzule bwa Buleza camubili. Ta kakonzya biyo kuzibya Musa; Wa kakonzya kutondezya Bupange Bwakwe boonse mu Muntu oyu, a kulabila lufu mubusena bwa mukowa wabantu. Cipange cilondo cimaninide ica Leza! Leza, kananikwa loko muku Ci bona, Wa kaba Munununi wa makkalo oonse; kukananina abo bali mu ziswi, abo bakaliko kale, a baino.

<sup>80</sup> Zisyomezyo zyoonse zya kazulila muli Nguwe. Wa kali Bulondosi bwa bulondosi. Zikozyanyo zyoonse zyaka zulizigwa

muli Nguwe; Munununi wesi Sikamukowa, muli Rute a Boazi; Sikupa milao wesi, kuzwa ku Cilundu ca Sinai; Musinsimi wesi, kuzwa mu nkanda, mbuli Mbwa kazwa ku cilundu, mbuli Mbwa kazwa mu nkanda; mbuli Mbwa kazwa ku Butamani a kuba muntu, Cinkozya cilondokede!

<sup>81</sup> Leza, muciindi cakatobela mu bukkalo, wakagwama, kwiinda kuli basikale, a kubamba makanze Akwe, a kubayaka kuzwa ku zintu zyandeene kuteeti inga Uyo bikka ntalisyo eyi ali mbabo. Aali eyi Wa katalika kuyaka Ijwi Lyakwe, basinsimi. Elyo mpawo, kumalekelo, kwaka yutuka Musinsimi uulondokede, Ntalisyo ilondokede, cilengaano cilondokede Leza nca kajisi.

<sup>82</sup> Elyo lino, kutegwa eci cikanane, Walo ndi Ijwi. Elyo ku Ijwi ku kanana, We elede kunjila mu Cinkozya. Elyo mpawo ku Cinkozya ku kanana, ceelede kuumwa. Ula boola mu Cinkozya, alimwi mpawo kutegwa a kanane, Munununi uulondokede.

<sup>83</sup> Zimvule zyoonse zya Cizuminano Cakale zyaka zulila muli Nguwe. Mbuli Mbwe kaamba buzuba bumwi, Jehova wa Cizuminano Cakale ngu Jesu wa Cipywa. Iiyi.

<sup>84</sup> Mbuli bunji bwanu, no baalumi, banakazi, basela lyangu; twa kali kujisi, koonse ku cisi, munji mwakusanziza zisani mwaba Chainizi. Cindi citaanzi bama Chainizi niba katalika kuboola, baka zwida ku Nkomwe ya Kumbo, kweenda kuya kujwe, kulonga kuzwa ku cisi Cakujwe, kweenda mu nzila eyi. Elyo mbuli mbo bakacita, baali bantu bata kazibilene a cisyobo cesu a nzila zyesu, pele bakali basikusanza zisani babotu. Elyo tii bakali kukonzya kulemba katupa kutegwa wakonzya kutaminina ncobeni zisani zyako zyasanzigwa.

Pele, muna Chaina, wa kalijanina nkama ya tukkadi tuniini tutakwe cilembedwe ali ntuto. Aboobo cindi wabolela zisani zyako zyasanzigwa, wa kali kunga wabweza kakkaadi aka a kuka zapula munzila imwi; a kukupa kabeela kamwi, nkabela wa kayobola kabeela kambi. Elyo, lino, ncibotu aniini kwiinda nco tu jisi lino, kaambo cindi wa jokela kutaminina eco cako, tubeela oto tobilo tweedele kunjilana kabotu. To kakonzya kucikkopela ikuti na wakali kuyanda. Taakwe nzila yakucicita. Inga wapanga makkopi aa tubala, pele to konzyi kukkopela ku zapulwa oko. Kweelede kunjilana bweedele a kabeela kambi. Nkikaako, zikobela zyako zyatombé ezyo nzo kaleta kukutaukwa, inga wa zinununa kwiinda ku katupa aka, nkaambo ka leendelana a katupa aka kaka josegwa.

<sup>85</sup> Elyo cindi Leza, ku basinsimi, a kunsi a mulao, katupa mulandu ku cibi; alimwi mulao taakwe nowaka jisi luzyalo, ukwaambila biyo kuti nduwe sizibi. Pele cindi Jesu nakasika a cilao, Wa kali kuzulizigwa, Wa kali i—i kuzulizigwa kwa zintuzyonse Leza nzya kasyomezya. Wa kali cinkozya cikozyanya, cilondokede ca cisyomezyo. Nkikaako, zisyomezyo

zyoonse zya Cizuminano Cakale zya kazulizigwa muli Jesu Kristo. Tee zyakakonzya kuzulizigwa muli Musa, tee zyakakonzya kuzulizigwa muli umwi wa basinsimi, pele zya kazulizigwa mu Cipange cilondo. Ca keendelana a zyoonse Nzya kaamba kuti Ciyo oba.

Mbubonya Mbungano iyo elela kweendelana a zintuzyonse Leza nzya kasyomezya. Ye elede kuba kabeela ka kagwamwa kuzwa kuli Njijo. Aboobo ikuti na citaanzi cini ndi Ijwi, mbubonya balelwa bayo gusigwa kuzwa kuli Ndilyo kuba Ijwi, ku kweendelana a lubazu Lwalyo.

<sup>86</sup> Nkikaako, muna Chaina, inga wataminina...Oko, mulao ula kupa mulandu a kwaamba kuti wakali a tombe, nkabela wa kazulwa, nkabela inga nokabikkwa mu ntolongo. Pele cindi Na kasika, Wa kali kabeela Keendelana ka ncico, kaka konzya kukugusya; a ku kujosya, ku—ku kuba katupa kakkwene, lununuko olo Leza ndwa kasyomezya kaindi mu muunda wa Edeni. “Mbuto yako iyo cuzaula mutwe wa muzoka. Pele, kasindi Kakwe kayo cuzaula—cuzaula mutwe wakwe.”

<sup>87</sup> Lino tu jana eci Cipange cilondo cimaninide eco Leza nca kamaninizya. Lino, tula bona kuti Wa kali zyoonse kuli eco caka syomezegwa kuba. Ngu ziszyomezyo zyoonse, zyoonse zisinsime, zintuzyonse ezyo Leza nzyaka bambilide ciszyomezyo caco. “Mbuto yako iyo cuzaula mutwe wa muzoka.” Lino, Ta kakonzya ku cuzaulwa ku mulao, Ta kakonzya ku cuzaula ku basinsimi, pele Wa kacicitia cindi Mbuto ya mwanakazi niyakaba Cipange cilondo, Kristo. Wa kali Bbwe eelyo Daniele ndya kabona kukolomonwa kuzwa ku mulundu. Wa kali Umwi wakakonzya kuuma. Wa kali Umwi wakakonzya kucuzaula, mutwe wa muzoka.

<sup>88</sup> Buumi Bwakwe bwa keendelana, mbubonya, buumi bwa Musa. Buumi Bwakwe bwa keendelana kuli Davida. Atu bone ikuti na mbo bwakabede, ikuti na Ngu kabeela Keendelana.

<sup>89</sup> Amubone Davida, mwaami waakakwa, ku bantu bakwe beni. Wa kali...Buzuba bumwi kuciindi na kali...Mwana wakwe wini wakabuka mu kupapila kumulwana, nkabela wa kaandaanya a kwaabaula impi zya Israyeli. Elyo wa kali, Davida, katandwa, na wakatandwa a bantu bakwe beni, kuzwa ku cuuno cakwe cabwami.

Elyo mu lweendo lwakwe lwakuzwa, kwakali muntu wakali kumusulaika, nkabela wakali kweenda ambali awo, kaswida Davida mate. Oyu mulindizi waka somona panga lyakwe, kati, “Ndiyo lekela mutwe wa mubwa oyo kukkan ali nguwe, kaswida mate aa mwaami wang?”

Davida kati, “Komuleka alikke. Leza wa mwaambila kucicita.”

<sup>90</sup> Sa tamu boni? “Ii Muntu wa buusu, kazwide kufwaba. Ula ima mbuli Mbelele, kumbele lya basikugela, kataambauli.”

Ba... Wa kaamba booboo. Antela Davida taakazi eco ncakali kwaamba.

Pele kutandila myaka, iili myaanda yosanwe acisambomwe kumane, na kwiinda aniini, Mwana wa Davida wakali kwiinda mu tugwagwa ntutonya, nkabela Wa kaswidwa mate. Pele amubone eco cakacitika cindi, Davida, kuzwa kuli cakwe—kuzwa kuli cakwe... cindi na kaba muloboki; kuzwa ku bwaangwe bwakwe, cindi na—cindi na kajoka, oyo muntu wakalomelelu luumuno a luse. Akwalo abo baka Mu uma bayo Mu bona cindi A kubweeda.

<sup>91</sup> Elyo tu jana kuti mpawo, muli Josefa, oyo Josefa wakali musankwa wakazyalwa munzila nyenzu, mamanino, cibeela caatala ca ntalisyo, oko cipange cilondo mpo ca keelede kuyakilwa. Ca kazwa ku lusyomo, a ku luyandisyo, a ku luzyalo, ca kaboola ku bulondosi. Elyo aboobo cakacita, kuzwa ku matende a matalikilo, kayutukila ku bulondosi muli Kristo. Amubone nzila Mbwa katondezegwa muli Josefa, caatala ca ntalisyo, mulondosi maningi wa boonse babo.

<sup>92</sup> Tu jana kuti Josefa wakazyalwa ku mukwasyi wakwe. Elyo wa kaboola kwiinda ku mwankazi wakumulao, mubwini, wakali mukaintu wa Jakobo. Elyo amubone, akwalo, kuti cindi na kazyalwa, wisi waka tuyanda; alimwi babunyina bakwe baka musulaika, kakutakwe kaambo. Nkaambonzi neco ba musulaika? Nkaambo wa kali Ijwi.

Mwabona ntalisyo njionya? Mwabona obo mutwe wa ntalisyo mbo wakasika? Lino, amulange ku Mutwe wa mibili, mbousika. Lino amulangilile Mutwe wa Nabwiinga mbousika. Wa kali Ijwi.

Elyo baka musulaika nkaambo wa kali mulunguluzi. Wa kabona zintu zyakumbele, a ku baambil. Zya kacitika. Takukwe makani obo mbo cakatola bulamfu kumuka, caka citika mbubonya buyo. Elyo mukuba simuuya, wa katandwa kuzwa kuli babunyina. Ba keelede kumuyanda. Pele baka musulaika, nkaambo wa kali musinsimi alimwi wa kali simuuya. Elyo ba kamusulaika.

<sup>93</sup> Amubone, wa kasambalwa kutandila nsiliva zili makumi otatwe; waka waalwa mu dindi, nkabela waka yeeyelwa kufwa, pele wa kagusigwa kuzwa mu dindi. Elyo mu ciindi cakwe ca kusunkwa, mu ntolongo; mubambi a i—i mujiki, tu lizi kuti sikubamba waka futulwa elyo mujiki waka nyonyooka. Elyo mu ng'anda ya ntolongo iya Kristo, a ciingano, umwi waka futulwa a umbi umwi waka nyonyooka; babbi bobilo, basikulubizya bobilo.

<sup>94</sup> Elyo tula bona waka gusigwa ku ntolongo yakwe, kuya ku janza lya lulyo ilya Farao; cakuti taakwe muntu wakali kukonzya ku kanana kuli Farao, cita kwiinda muli Josefa. Elyo cindi Josefa nakasiya cuuno cabwami ica Farao, elyo mweembo

wakalila moonse mu Egepita, koompolola kwakamwaika a kuti, “Amufugame ku matende, nyoonse, Josefa ula boola!”

<sup>95</sup> Mbulanya mbo ciyooba kuli Jesu. Obo Mbwa kali muyandwa wa Wisi, a kusulaikwa kuli babunyina batubungwe, kakutakwe kaambo. Wa kasambalwa kwa nsiliva zili makumi otatwe, mbuli mbo kwakabede; a kubikkwa mu dindi, kuyeyelwa kufwa. Aa ciingano; omwe waka nyonyooka a umwi umbi waka futulwa. Elyo wakasumpulwa kuzwa ku ciingano; elyo ulikkede ku janza lya lulyo ilya Leza, mu Bulemu, Muuya mulemu oyo waka tondezegwa muli Nguwe. Elyo taakwe muntu ukonzya ku kanana kuli Leza, cita kwinda muli Jesu Kristo. Amu ciyeeye! Elyo cindi Aku siya Cuuno cabwami eco, akutalika, “I mweembo uyo lila, nkabela mazwi oonse ayo fugama a milaka yoonse iyoamba.”

<sup>96</sup> Amuyeeye, wa kali mwana wa coolwe. Zintuzyonse nzya kacita zya kazwidilila. Naa mwakali mu ntolongo, na kufumbwa mbo cakabede, cakazwa kaciluleme.

Elyo sa Ta kasyomezya ku bana Bakwe kuti inga Uyo bamba zintuzyonse kubeleka kabotu antoomwe ku bubotu? Naa bwakali bulwazi, ng’anda iya ntolongo, lufu, buusu, kufumbwa mbo cakabede, kuti ciyo beleka ku bubotu kuli baabo ba Mu yanda. Wa kacisomezya, nkabela ceelede kuba boobo. Ceelede kubako. Calo nciminizyo, kwaambaula kuli ndiswe muli Nguwe. Wa kali Cinkozya cilondokede ica Leza. Lino tula bona awa, akwalo, kuti cindi Aku boola alubo . . .

<sup>97</sup> Amuyeeye, Josefa ku ciyubunuzyo waka futula inyika, ku cisinsime cakwe cipati. I inyika niya kafwa ikuti nikwa tali Josefa.

Elyo inyika noinga—noinga ili fwide ikuti nikwatali Jesu. “Nkambo Leza wakayandisyi inyika, cakuti Wa kapa Mwana Wakwe simuzyalwa alikke, kutegwa kufumbwa muntu uusyoma Nguwe ataka nyonyooki.” Leza ubambilila Buumi.

<sup>98</sup> Kuyabuya a kuyabuya inga twa unka! Nkaambo, Wa kali kweendelana kwini kwa Davida. Wa kali kweendelana kwa Musa. Wa kali kweendelana kwa Eliya. Wa kali kweendelana kwa Josefa. Zintuzyonse zitondezya na zya kaambwa kumbele a Nguwe mu Cizuminano Cakale, kweendelana ncobeni muli ceeco, (ino ncinzi?) kutondeezya Munununi uulondokede. Kutegwa, tu konzye cubikkwa zikobela zyesu zyakaindi zyatombé mwakuwaccila, kuunka kuzitaminina alubo. Zya kawashwa mu Bulowa bwa Kabelele. Inga twa taminina zyesu zini. Elyo zintuzyonse ezyo Nzya kafwida, inga twa zitaminina. Aboobo, Wa kali Ijwi lilondokede, lyakatondezegwa.

<sup>99</sup> Ca kabotela Leza, Mubumbi mupati, ku Mu uma, a kucicita nzila eyi. Tula Mu bona muli Isaya awa, mbuli Mbwe ebala, “Twa ka Mu langanya toonse, twa ka Mu futatila a masyu esu. Kwiina bwueebesi bwakuti tu Mu yandile,” bantubonse kabaambaula

Nguwe, ku Mu fubaazya. Nda ambaula kujatikizya Nguwe lino mu buzuba obuno, bantubonse kaba Mu fubaazya. Mwabona? “Twa ka Mu langanya, twa ka Mu bona.” *Kulanganya* caamba “kulanga.” “Twa ka Mu langanya kuumwa a kupenzegwa aa Leza.” Nekubaboo, Walo, nkaambonzi Nca kacitila eci? “Wa kayaswa nkambo ka nsotoko zyesu; Wa kacuzaulwa nkambo ka mulandu wesu.”

<sup>100</sup> Lino, inga twa zumanana aku zumanana a ceeco, pele Nda syoma muli jisi ciimo ca ceeco Nce pandulula lino, Leza kayakulula Cipange Cakwe cilondo.

<sup>101</sup> Pele tu talubi kuti ku matalikilo cindi Na kauma lubazu lwa Adamu, Wa kagusya cintucimwi kuzwa ku lubazu lwakwe.

Lino, kuumwa kwa Kristo kwakali kwa kaambo, kutegwa Agu sye kuzwa kuli Nguwe, umwi, kuba mukwasyi, Nabwiinga; kutegwa A Mu gwisizye Nabwiinga. Aboobo cindi Cipange Cakwe cilondo nica kalondolwa, mpawo Wa cita ku Cu uma, kugusya kuli Nguwe; kutali kabbeela kambi, kutali bupange bumbi, pele bupange mbubonya.

<sup>102</sup> Mukwesu wangu, uta bijilwi kuli ceeci, pele koyeeya asyoonto. Ikuti na Wa kagusya kuzwa kuli Nguwe, bupange butaanzi, kupanga Nabwiinga Wakwe, Ta kapanga bupange bumbi. Wa kabweza cibeele ca bupange butaanzi. Mpawo, ikuti na Wa kali Ijwi, mbobuti Nabwiinga mbwa elede kuba? Weelede kuba Ijwi taanzi, Leza muumi mu Ijwi.

<sup>103</sup> Kimberley, South Africa. Ciindi cimwi Nda kali kulanga madayamondi, obo mbwa kagusigwa munyika. Elyo Nda kaabona kabikkidwe awo. Mbuli, ee, i—i mweendelezi wa fakitor, na mugodi, wakali umwi wa maasha bangu mu mundando wa mupailo. Elyo Nda kabona madayamondi, akeelekwa muulo wa makumi a zyuulu zya madollar, alundikidwe antoomwe, pele taakali kubalama akwalo kunsi lya mumuni. Elyo Nda kaambila mweendelezi wa migodi, Nda kati, “Nkaambonzi taa balami?”

<sup>104</sup> Wa kati, “Munene, taana kutendwa. A elede kutendwa. Mpawo, cindi aatendwa, mpawo ala tondezya mumuni.” Nceeco we.

<sup>105</sup> I Cipange cilondo ceelede kutendwa. Amubone, ku tendelwanzi? Sa kabbeela kala tendwa? Peepe, peepe. I kabbeela kakwamunwa, kapangwa kuba nyeleti ya victrola, alimwi nyeleti ya victrola ila bikkwa a—a—a rekordi eyo ili nciimbo citabonwi ku inyika. Pele nyeleti nje igusya, kugusya bupanduluzi bwini ibwa Ijwi.

<sup>106</sup> Buumi Bwakwe bwa keendelana a bantu boonse. Ca kabotela Leza ku Mu uma. Elyo, lino, nkaambonzi Nca ka Mu umina? Ku kaambo nkakonya Nka kaumina Adamu.

<sup>107</sup> Lino tula Mu bona wakwabbawla, waaumwa kwa Leza a kupenzegwa, Kabelele kalondokede ka sizibi—basizibi kaajaigwa, Cipange cilondo cakumaninina.

<sup>108</sup> Lino, kutandila myaka ili zyuulu zyobilo, Leza alubo wali ku Mu bambila Cipange cilondo. Nkaambo, Wa kaum Adamu ku kujana ci-...kabeela kuzwa kuli nguwe, cibeela cakwe, kabambo kakupanza mukaintu wakwe. Elyo lino eco Cipange cilondo cakumaninina Nca kaum aa Kalivari, Wa kagusya kabeela kuli Nguwe. Ngu Cizuminano buyo Cipy, kwa mana. Wa kazulizya Cizuminano Cakale. Lino calo Ncizuminano Cipy, kabeela kambi ku kuzulizigwa. Mwabona, Cipy a Cakale mulumi a mukaintu. Mwabona? Elyo cakatola Cipy kuto-... I Cakale kukulungulula Cipy; Kristo wakasika, Cipange cilondo, ku kuzulizya ceeco. Lino Nabwiinga Wakwe uyo zulizya zintuzyonse zili mu Cizuminano Cipy. Cipange cimbi cilondo cili mukupangwa.

<sup>109</sup> Mboli mbo caka Mu tolela myaka ili zyuulu zyone kupanga Cipange eci cilondo; lino Wali kucita, kutandila myaka ili zyuulu zyobilo kupanga Cipange cimbi cilondo, Nabwiinga wa Kristo, Cipange cimbi cilondo. Mu kucicita boobu, Ula cicita kwiinda kunzila Yakwe itasoli kucinca, nzila njionya Nja kapanga Cipange cilondo; Ijwi Lyakwe. Eyo njenzila Nja panga Zipange Zyakwe zilondo, nkaambo Walo ukonzya biyo kuba Cipange cilondo cakumaninina cindi Caba Ijwi lilondokede.

Kufumbwa tombe, masifwilila, zinjizigwa, ziyo cinyonyoona. “Pele majulu a nyika ziyo loba, pele Ijwi eelyo tali kanyonyooki.” Mula yeeya, mu kutenda dayamondi, kuti mweelede kuba cibelesyo cilondokede caku cicitya, kutali buyo kabeela kali koonse kucicita. Nda kabona mataani a magileda mapati kapwayaula moonya muli njiyo, a kusunzya mataani mapati, kulyata dayamondi ali njiyo. Peepe, tee yapandula dayamondi. Yeelede kutendwa.

<sup>110</sup> Lino Uli mukucita cintu ncoonya munzila Yakwe itasoli kucinca. Tula jana, muli Malaki 3, Wa kat, “Ndime Leza, nkabela Nse cinci.” Ta konzyi kucinca nzila Yakwe.

<sup>111</sup> Lino, mboli Mbwa katalika muli Abrahamu. Kumane kuwa kwa cipange citaanzi cilondo, Wa katalika muli Abrahamu, aa ntalisyo, kuyaka cipange cimbi cilondo.

Wa katalikila aa Buzuba bwa Pentekoste, kuyaka Cipange cimbi cilondo, Mbuto ntaanzi, Ijwi. Katalikila mu Mbungano yakutalika. Ino cakali cinzi? I Mbuto, Ijwi, Ijwi lya kayubululwa, cisyomezyo eco caka pegwa. Joeli wakati, “Ciyo citika ku mazuba akumamanino, mbwaamba Leza, Njo tila Muuya Wangu aa bantu boonse; bana banu basankwa a basimbi bayo sinsima, a bamadaala banu bayo lota ziloto, balombe banu baniini bayo bona zilengaano.” Eco Nca kali kuyo cita ku mazuba akumamanino, zyobilo, myaka ya zyuulu zyobilo zyamamanino.

<sup>112</sup> Amubone, elyo ya katalika mbuli ntaanzi. Mbuli Jesu mbwa kati, “I Ijwi lya Leza ni Mbuto eyo sikumiza nja kamiza.” Elyo Wa kali Sikumiza. I Mbuto ndi Ijwi. Elyo, amubone, kufumbwa mbuto eyo ikkalilila ilikke taakwe nci cita. Ye elede kuwida mu bulongo kuti ileté micelo yayo alubo. Elyo Mbuto eyi, Mbungano eyo ilondokede, yakawida mu bulongo ku Nicaea, Rome, cindi niya kaba kabungwe.

<sup>113</sup> Lino, basimakaní akale, mulayeeya. Elyo muvo mvwa teepu eyi, amu cilingule a kuziba na ta ciluleme. I mbungano yakafwida ku Nicaea, Rome, cindi niya kabweza tuyanza twabuzumini a tunsiyansiya, mucibaka ca Ijwi taanzi. Ino cakali cinzi? Leza waka tondezya, kwiinda ku Mbungano eyo ntaanzi, kuteeti Wa kali Leza. Wa kajisi Mbungano yaka londokede; pele Mbungano, mbuli imbuto zyoonse zimbi, ya keelede kuwida mu bulongo a kufwa. Lino, ya kawida mu bulongo, a kufwa, a kuyabaala.

<sup>114</sup> Nywebo mulizi, Nda kabala bbuku, okuno kutali cindi cilamfu cainda. Umwi wakalemba ii–ii bbuku, a kuteeti, *I Leza Utaambauli*. Ndiza mwa kalibala. Nda luba, Ndi–Ndi yeeya Brumback... Peepe, Nse citi, Nseli masimpe na wakalini wakali lemba. Pele Nse konzyi kuyeeya. Ndili jisi mwakubalila mwangu. *I Leza Utaambauli*, kati, “Leza, kwiinda mu myaka minji ya makkalo amusinze, wakaumuna zii a kuta putya janza, a kulangilila basikufwida bukombi bwabo ibasyomeka kabaya ku seenengo lya balavu; a kuumpwa ku bana Romani; kujaigwa kwa misyobo yoonse; banakazi baka samununwa zisani zyabo, a kuumpa masusu abo malamfu, kubeleysa musinza wa malasha, a ku baumpa.” Amuyeeye, masusu mafwafwi kusaanguna akatalikila mu Rome. Elyo banakazi Banakristo baka jisi masusu malamfu, aboobo ba—ba kalokezya lokezya musinza wa malasha a kwaampa, a ku baumpa, elyo kabali cinswe; kaba sanina ku balavu. Elyo mulembi oyu ulazumanana kwaamba, “Uli kuli Leza ulya?”

Oh, boofwaazi bwa muntu, ciindicimwi! Sena mulizi kuti Mbuto eyo ya keelede kufwa? Taakwe nakasola kubavuna. Ba kaselemukila mu luzundo. Ba kaselemukila, kabazwa bulowa a kufwa, kupa maumi abo. Nkaambonzi? Yakali Mbuto. Ya keelede kuwida mu bulongo, mbuli, kusaanguna, Johane 12 ila twaambila. “I bulotwe bwa whiiti, bweelede kuwida mu bulongo a kufwa awo; kutali buyo kufwa, pele kubola.” Pele nkusyoonto kabungwe nko kakaziba kuti Buumi bwakacili omuya. Nekubakuti mbungano muli lwayo...

<sup>115</sup> Ku Nkamu yaku Nicaea, kwa mazuba ali kkumi aosanwe akukazyanya kwatunzenyu akazwide mpilimizinga a bujayi, cindi bantu bakazyalilwa mu ziinga zilemekwa kapati niba kanjila a kuyanda kunjizya balemekwa abo bapati mu mbungano. Elyo basinsimi kuzwa mu nkanda eyo okuya, kabalya zyamasamu a kuvungailwa mu zikutu zya banyama, basinsimi

beni, nkabela baka bagusya. Nkaambonzi? I Mbuto yeelede kuwida mu bulongo. Ye elede kufwa.

<sup>116</sup> Ya kafwa mu makkalo aamusinze, kunsi lya suko lya mudima. Ba kayeeya kuti bakaloba. Nywebo mulizi, Musalali Johane 12:24, Jesu wakati, “Na bulotwe bwa whiiti teebwa wida mu bulongo, bula kkalilila bulikke.” Elyo Mbungano ntaanzi eyo yakali kuzyala, Nabwiinga oyo, Mbuto eyo, Ijwi eelyo lya kayubululwa, eelyo lyakawida mu bulongo ku Nicaea, Rome.

<sup>117</sup> Swiilila, Mbungano, moonse mu masi ayo mvwa eci. Ndeelyo suko lyanu, lyalo tubungwe. Mpaawo Ijwi mpolya kabambilwa, a ku zamina kayanza kabuzumini. Elyo kwa myaanda a myaanda ya myaka iya makkalo amusinze, Nguzu a kuyubunuka kwa Ijwi kwa kali sisidwe ku inyika. Citabuyo Bunakatolika mbo bwakali kulela. Toonse tu lizi obo, mbuli kubala kwa makani akale. Citabuyo Bunakatolika mbobulela.

<sup>118</sup> Pele, nywebo—nywebo tamu konzyi kusisa Mbuto yakasonsa pe, Ye elede kuyutuka nkaambo (nkaambonzi?) Mubumbi mupati uli mukubeleka. Uyo yaka alubo. Aboobo Wa . . .

I Mbuto yakaunka kunsi, Ijwi.

<sup>119</sup> Cindi twa bona Musalali Paulo, Petro, Jakobo, Johane, boonse abo bakalemba Ijwi. Elyo ba kalemba, Ijwi ndoba kalemba lyakaba lipona, nkabela lyaka pona, alimwi Lyakapona. Elyo cindi twa ziba, nilya kamana kusima, Johane wakatalika kulemba mu magwalo, wa kasowelwa ku Kasuwa ka Patmosi kumane kuumpwa mu mafuta kwa maoora ali makumi obilo aone. Pele Ijwi lyeelede kuyutuka. Lye elede kulembwa. Teeba kakonzya kujika kugusya Muuya Uusalala kuzwa muli nguwe, kubelesya mafuta, aboobo wa kayutuka. Mulimo wakwe tee wakalina mana. Wa kafwa lufu lwaboongole.

<sup>120</sup> Polycarp, oyo wakali sikiwiya wa Johane, kazumanana kutola Ijwi. Elyo kuzwa kuli Polycarp kwakasika Irenaeus. Elyo Irenaeus, muntu mulemu wa Leza oyo wakasyoma ngaonya Makanimabotu ayo nge tu syoma, “I Ijwi lyasima.” I mbungano kaisola ku Li lesya kubeleka.

<sup>121</sup> Kumalekelo caka boola ku Nicaea, Rome, elyo okuya ya kawida mu bulongo, kuzwa Musalali Martin, nkabela waka jaigwa. Musalali Martin wakasyoma cintu nciconya nco tu syoma. Wa kaiminina cintu nciconya; lubbizyo lwa Muuya Uusalala, lubbizyo mu maanzi mu Zina lya Jesu. Wa kaima mu cintu nciconya eco neo tucita. Elyo wa kali musinsimi, nkabela bakasyoma Ijwi lizwide ilya Leza. Elyo kumalekelo bak abambilwa, a kupwailwa mu bulongo, a kulala awo kwa myaanda ya myaka, kusikila yakabola aanze, Mbuto. I mibili yakale yakabola kumaninina. Nda kali mu Musalali Angelo, mu maseenengo akuzikkila bafu, a kubona oko nkoba kafwida, a mafuwa abo kaa pandukide a zintuzyonse. Kumalekelo ba

kabola mane mafuwa abo aka zinyauka, pele Buumi bwa kacilikolo.

<sup>122</sup> I bulotwe bwa whiiti bwa kawida mu bulongo aa... ku Nkamu ya Nicaea, katalika kusonsa alubo, muli Martin Luther. Mbuli bulotwe buli boonse kabumena, na whiiti; imbuu zyamana kubola, buumi kusyuuka. Elyo bwaka talika kuzyala muli Martin Luther. Ncinzi ncakacita, cintu citaanzi? Waakaka kabungwe ka Bunakatolika, kakazya kuti bwakali lubide. Nkambo, wa kati, "I baluleme bayo pona ku lusyomo." Ino cakali cinzi? Ii Buumi buniini bukompeme bwakazwa mpakatwa zisyoonto ziniini. Abo bakali bana Luther. Masimpe tazi boneki mbuli nseke yaka njila mubulongo, pele Buumi buli mukuzwa lino.

<sup>123</sup> Mpawo yaka unka ku cisiko. Mpawo ncinzi cakacitika? Mu mazuba a John Wesley, ncinzi nca kacita cindi nakazibya kusalazigwa? Wa kakkala a Ijwi. Elyo cakacita nzi? I bana Lutherani baka bunganya a kupanga kabunga, aboobo cakali ciindi ca cintucimwi kucitika. I cipange cilondo cili mukuyakwa lino. Ncinzi nca kacita? Ncinzi nca kacita? Wa kakazya mbungano eyo ya Anglikeni, kazwa mu lubambululo mbuli ngalala. Ino ncinzi? I mbuto kiiboola ku Buumi, kukomena lino.

<sup>124</sup> Lino, cisiko taciboneki mbuli mbuto, naanka mbuli ngalala.

<sup>125</sup> Lino, bakwesu ba Pentekoste mu masi oonse, Ndi yanda kuti uswiilile, mukwesu wangu. Ikuti na Mulumbe oyu ngwa mamanino Ngwe yosola kukambauka, Eci cipange cangu cilondo. Sena mwakabona cindi whiiti... bulotwe bwa whiiti bwa kawida mu bulongo, cindi niya katalika kubumbwa kaindi ku nseke yayo—yayo alubo?

<sup>126</sup> Amulangilile bulenge. Bulenge, ncobeni, ngu Leza. Leza kabeleka mu bulenge, nku koonse Nkwa konzya kucita. Pele kuzwa ku lubukulusyo lwa Pentekoste, mbuli mbo bayeeya, yakali Mbuto; teya kali njiyo. Lino amulangilile. Pele cintucimwi caka yutuka mbubonya mbuli Mbuto. Lino amulangilile eco Jesu nca kaamba, mu Musalali Matayo 24:24, kuti, "I myuuya yobile ku mazuba akumamanino iyooba iikozyanya loko cakuti iyo cenga Basale ikuti cilakonzeka."

<sup>127</sup> Lino, cisiko eco taciboneki kuba cintu mbuli mbuto; naanka ngalala ayalo kuboneka mbuli mbuto. Pele amubone lino, kutali mu buzuba bwa Luther, pele mu buzuba bwa mamanino.

<sup>128</sup> I cintu citaanzi. Kuli balimi ba whiiti bakkede awa. I cintu citaanzi eco ciyutuka aa mbuto ya whiiti, inga watandila kuyeeya kuti yakali mbuto, pele (ino niinzi?) calo ncikwa. Ibamba cintu ciniini aanze, mbuli, kujatilila mbuto. Ibamba cikwa. Pele cikwa taili mbuto, ayalo ngalala na cisiko mbo cakabede. Nciyumuzyo biyo ca buumi, bulotwe bwa whiiti, mpawo. Musalali Johane 12, nywebo mwabona, Jesu kakanana.

<sup>129</sup> I whiiti, kwazwa ngalala (kwazwa Wesley), kasyuuka cikwa, cili kunembo maningi mbuli nseke ya cintucoonse cimbi. I cikwa cikozyanya loko mbuli nseke. Ciboola kukozyanya loko mbuli nseke ciindi coonse, cimwi cakanjila mu bulongo. Elyo cindi casyuuka, cisiko, ci jisi Buumi muli ncico, pele ncobeni taili nseke. Kusyuuka ngalala, poleni, nekubabobo taili nseke. Elyo mpawo isyuuka kuba cikwa, alimwi tacili kuciimo ca whiiti pe, mbubonya mbuli nseke ya whiiti, pele nekuba taili whiiti. Mbubonya mbuli mu ciimo nciconya, cakumaninina.

<sup>130</sup> I ba Pentekoste bakaba mbuli buyo whiiti mboinga yaba. Imwi aimwi kuzwa kuli imbi, kuzwa kuli imbi, pele nziyumuzyo biyo. Ziya ku kabungwe. Elyo ncencico Pentekoste nco yakacita, kaunka kuba kabungwe. Elyo ncinzi Pentekoste ncinya kacita cindi niya kazwa mbubonya mbuli nseke? Ya kajokela ncobeni, mbuli mu Ciyubunuzyo 17, ku kabungwe kamwi kasazinyina. Obo cintu mbo cibede ncobeni. Eco nce ncico Jesu nca kaamba.

<sup>131</sup> Lino amulangilile. I Makanimabotu ayoozwa kwiinda muli Luther, kwiinda muli Wesley, kunjila mu Pentekoste, alimwi ku mazuba akumamanino ciyo cenga mbabonya Basale ikuti cilakonzeka. I Basale! Oh, bakwesu ba Pentekoste, tamu konzyi kubona?

<sup>132</sup> I whiiti ku matalikilo eyo ili mbuli buyo mbuto, cindi yatalika kupanga mbuli nseke, pele ncikwa. Cakaba kabungwe, mbubonya mbo cakacita cintu nciconya nco bakacita muciindi cakatobela awa muli Luther. Mu Ciyubunuzyo 17, citondezya cintu nciconya, ca mambungano.

<sup>133</sup> Lino, Mbuto ya nseke, mu butaanzi, kawida ku Nicaea, nkambo kakali kabungwe kataanzi.

<sup>134</sup> Amubone awa, Mbuumi obo bwakali mu cisiko, ngalala, boonse lino bwamanina mu Mbuto. I Buumi obo buzwa ku Mbuto ntaanzi, kaboola kwiinda mu kubambwa kwaandeene (kubambwa kwaandeene kotatwe), alimwi mpawo kujokela mane kuciimo Cayo citaanzi. Aleluya! Oh, ma! Ndi muntu ukkomene kwiinda mu inyika, cakuti Leza waka ndilekela kubona Eci. Amulangilile obo Ijwi mboli londokede a zeezi (bulenge) mbo zibeleta antoomwe.

<sup>135</sup> M bubonya mbuli mbo tu tondezya bubuke; kubuka, zuba; kubbila kwa zuba; kubuka alubo.

I ituvu kalizwa ku cisamu, kuyaansi, musinza mu miyanda; akujokela atala, alimwi—alimwi ituvu kujokela atala a ndilyo alubo. Liwida ansi; buumi bwa cisamu bula nyonka kujoka, kkaushiamu potashi, a kuzileta atala ku tuvu limbi alubo.

Mwabona, bulenge boonse, zintuzyonse zila beleka kabotu a—a Ijwi lya Leza. Elyo nceeci we, mbubonya, cakulondoka mu Makkalo aya a Mbungano. Ako nkekaambo Muuya Uusalala wakaseluka a kukwela zintu ezyo, a kuzibambilila ndiswe nzila Mbwa cita. Obo mbombubo.

<sup>136</sup> Amubone, awa, Buumi bwakali mu cikwa. Mu cisiko, a mu ngalala, mu cikwa, boonse bubunganina mu Mbuto. Elyo Buumi obo bwakali mu cisiko, bwakaunka, bumwi bwakaunka kubamba cimbi. Kululamikwa, kwakabamba nzila ya kusalazigwa; kusalazigwa, kwakabamba nzila ya lubbizyo lwa Muuya Uusalala; lubbizyo lwa Muuya Uusalala, lwakabamba nzila ya Muuya Uusalala Lwawo kuselukila moonya mu bulondosi, kujokela ku Ijwi alubo, kuliyubununa Lini.

<sup>137</sup> Pele, eco cakaba kabungwe, cakafwa. Mbuli Buumi, muli Luther, kainka kubamba Wesley; alimwi—alimwi, kuzwa Wesley, Bwa kaunka ku Pentekoste; alimwi, kuzwa ku Pentekoste, kukubamba Mbuto ntaanzi. Kuyabuya ku Pentekoste, kwazwa Wesley, kusikila ciindi eco. I kaambo Pentekoste eyo nce yakazwa kuli Wesley nkaambo teya kali kabungwe, Pentekoste mbo yakabede. Mpawo Pentekoste yakaunka kupanga kabungwe, elyo (ncinzi ncoya kacita?) yakaba cikwa. Yaka boneka mbuli Cintu cini.

<sup>138</sup> Elyo, kufumbwamuntu, mbangaye bakasola kubona mbuto—ii mbuto ya whitiit kiitalika kukomena? Ino ncintunzi ciniini citalika? Cili mbubonya mbuli mbuto, pele ncikwa.

Mwabona ntaamo zyotatwe? Cisiko, ngalala, na poleni; mpawo cikwa; elyo mpawo, kuzwa ku cikwa, kuboola Mbuto ntaanzi. Mwabona? Kutali Mbuto; bwakali Buumi bwa Mbuto, kabukomena kwiinda muli eci, kuboola ku Mbuto. Ameni, ameni! Sena mwa cibona? Ino ncinzi? Ii bubuke, kujokela ku Cipange cilondo alubo, mbuli Cimwi eco cakanjila.

<sup>139</sup> Pentekoste yakazwa kuli Wesley, nkaambo Wesley wakali kabunga. Pentekoste yakazwa, kaitali mbuli kabunga, elyo mpawo kuba mbuli kamwi. Ya kaleelede, kupanga cikwa. I Ijwi lini lya Buumi ali ncico, cakali mu lweendo lwaco mpawo kuyaku Nseke ntaanzi, kwiinda mu ntaamo ezi. Kwiinda mu cisiko, mpawo kunjila mu poleni; kuzwa ku poleni, kunjila mu cikwa; elyo kuzwa ku cikwa, Bwa kabamba Mbuto.

<sup>140</sup> Peepe, cisiko, ngalala, cikwa, cipona, zya kazwa (mu lubukusyo lwazyo lutaanzi) zijatizyo zya cibeela cimwi ca Buumi bwa Mbuto; pele, cindi niba kabunganya, Buumi bwa kazwa kuli ncico. Eco caka tondezegwa ku makani akale oonse. Taakwe kabunga kakasola kucita cintu kuzwa nikakabunganya. Kakafwa. Mbo mbubo.

<sup>141</sup> Amulangilile, Buumi bula zumanana kweenda lino. Buli mukweenda.

<sup>142</sup> Amubone, eco neco bakacita, zyoonse ezi neco zyakacita, zila tondezegwa ku makani akale mbubonya mbuli nzila mbungano mbo yaboola, taakwe niya kabelesegwa kuli Nguwe alubo. Kabunga taka cibelesegwi. Ta kunaba, mu makani oonse akale, mbungano, niyakamana kubunganya, pele eyo yakafwa.

Elyo kabunga kakafwa alimwi taakwe nika kabuka alubo. Sa tamukonzyi kucibona? Nobantu boofweede, amujule meso anu! Bulenge a Ijwi kazibelekela antoomwe a kucitondezya mpoonya awa kuti Obu Mbwini, kuti bwalo Mbwini. Obo Buumi busiya cisiko, kupanga ngalala; kuzwaku ngalala, Bu panga cikwa; elyo kuzwaku cikwa, Bu njila mu Citaanzi alubo. Amubone, taakwe alubo kubelesegwa kuli Nguwe.

<sup>143</sup> Obo mbobuli antangalala maningi buumi obu, mu kweenda kwa nkuko mu bulotwe bwa whiiti, kwiinda mbo bubede mu cisamu. Leza wakaita bantu Bakwe mbuli cisamu; mwabona, buumi bulaunka ansi, mu cisamu, a kujokela atala alubo; kuunka ansi a kujokela atala; mwabona, bula unka ansi a kujokela atala. Pele, mu bulotwe bwa whiiti, bula unka atala kuzwa ku cisiko citaanzi... kwiinda mu cisiko, ngalala, a cikwa; a cintu mo cakainda, cilafwa, aboobo tabu konzyi kujokela muli ncico alubo. Ino ncinzi? Ta cicikwe bubelesye. Bula zumanana ku bulondosi bwabo.

Ameni! Sena tamu boni kaambo Nca taka belesya kabunga? Ta konzyi kujokela muli nkako alubo. Kali fwide. Pele Buumi bula zumanana kwiinda, kuzwa kuli comwe kuya kuli cimbi. Mwabona, ba bikka tunsiyansiya, a kunjizya. "Kufumbwa muntu uyungizya ijwi lyomwe, na kugusya Ijwi lyomwe," mwabona, uli sinkilidwe kuli Ndilyo. Ye elede kuba Mbuto ya Buumi kiienda.

<sup>144</sup> Ndi belesya eci mu kaambyo lino, ca Nabwiinga, Cipange cilondo eco ciboola. Mbuli Cipange cilondo mbo cakawa, kuli Cipange cilondo cibuka. I Cipange cilondo cakawa ku Pente-... ku Nicaea, Rome, ku Nicaea. Nikwaamana Nicaea, Rome, Ya boola munzila yakubambwa, pele Ila jokela alubo ncobeni ku Cipange eco cilondo, cakalondolwa, nkambo Walo ncibeela ca Ijwi eelyo lya kaambwa aa Nguwe. Uyo oba a "Mbungano iitakwe kabala na kaimba." Tai kaswaangani munzila ili yoonse a musyobo uli oonse wa kabunga na kabungwe, cintu citukidwe. Iyo inda mu zintu ezyo, pele tai kabi okuya.

<sup>145</sup> Amubone, mbuto ili mukuyutuka, obo Buumi buli mukuyutuka, kutali kujokela. Ta kukabi limbi bubuke kwaakumana ceeci. I Buumi buli mukuyutuka, kuya ku bulondosi bwa mbubo, bubuke.

Amubone, cikwa cazyala i—i... Amubone, cikwa cazyala Mbuto ntaanzi kuzwa muli lwaco. Mu Ciayubunuzyo, cipati 3, tula jana eci.

<sup>146</sup> Lino amuyeeye, taakwe mbungano imbi Nja kabikka anze, mu Bbaibbele, kwa Makkalo aa Mbungano ali Ciloba. Mbangaye baciyeeye? Wa kainda mu Bukkalo bwa Mbungano, ku kuzumanana kupanga cintucimwi cimbi. Pele, eci Nee ncico. Taakwe cintu cimbi. Pele i—i Mubumbi wajokela ku bulondosi alubo, Ijwi. Mwabona? Uta jokeli. Obo Mbo caandeene. Iiyi. Oh!

<sup>147</sup> Elyo amubone mpawo, cikwa, cindi cayutuka, boneka mbubonya mbuli Nseke. Pele cindi Buumi bwa Nseke bwatalika kusija cikwa, kunjila kupanga Nseke (Nabwiinga), cikwa cila juka a kuposyola Nseke. Sa mbombubo? Bulenge, mbo mbubo mboya kacita.

<sup>148</sup> Mu—mu Ciyubunuzyo 3, tu jana kuti Bukkalo bwa Mbungano ya Laodikeya yaka Mu bikka anze. Lino, mwabona, tii cakacita, kaindi mu makkalo ambi, nkaambo kwakali cinticumwi cimbi cakali kweelede kupangwa. Ca kainda buyo mukati kuzumanana kuya kuli cimbi. Nda kamwaambila, kuzwa kumatalikilo, takucikwe limbi tubungwe tuboola. Tuli ku mamanino. Elyo baka Mu bikka anze nkaambo (nkaambonzi?) Walo—Walo—Walo ndi Ijwi, alubo. Walo uli mbuli Umwi wakawida aansi okuya. Walo ni Njiisyo njiyon a eyo iyutuka kuzwa kumatalikilo.

<sup>149</sup> Elyo cindi Ijwi lyaka Mbuto lyatalika kukomena, cikwa cila Li zyalu kuzwa kuli ncico. I Buumi bulasiya zimbi zyoonse, ku Li tobela. Abo mbasyomi beni, ba tobela Buumi kufumbwa oko Buumi nkobuya.

<sup>150</sup> Mbuli mu Israyeli, cikozyano cilondokede, ikuti ni twa jisi ciindi; Ndi jisi buyo maminiti masyonto asyeede. Pele mu cikozyano cilondokede, ku matalikilo, koonse Musumpululu wa Mulilo nkwa kaunka kwakali Buumi. Leza wakali Mumuni oyo. Elyo Ta ndikwe makani ikuti na akali aakatikamasiku, na bakali mu busena bubotu busalidwe; cindi Musumpululu wa Mulilo niwa kazwa, mweembo wakalila nkabela Israyeli wakeenda a Nguwo.

Aleluya! Elyo cindi mweembo niwa kalila, Martin Luther wa keenda a Nguwo. Elyo wa kabunganya, kajaigwa...kutali lwakwe; bantu kuzwa nguwe. Elyo mpawo Leza waka gusya Buumi kuzwa kuli ceeco, ka Bu leta abusena, kabu bikka ansi mu cuumbwe.

<sup>151</sup> Mpawo kwa kazwa Wesley. Wa kabona kabunga ako kapati, aboobo wa kalizya mweembo, wa kasalazigwa, kunji kwa Ijwi. Mwabona? Cindi na kacita, ba kazwa, nkoonya kuzwa—nkoonya kuzwa kuli Luther, kunjila moonya mu Methodisti.

<sup>152</sup> Elyo cindi Pentekoste niyaka Ubona, ba kalizya ii—ii mweembo, neindi ca kubweeda kwa zipego. Mwabona nco bakacita? Ba kalizya mweembo, nkabela ba kazwa. Mpawo ba kabunganya.

Pele, amuyeyeye, kuzwa cikwa, kuli ntaamo zyotatwe nzo tuzi, kwiina cintu cimbi cisyeede pele Nseke. O Leza! Elyo mpawo Nseke ilalobia zyoonse zyayo. Ameni ameni! Majwi aa Mbuto ala talika kulipanga Eni, Buumi bula zyalwa kuzwa ku...Lino amubone, ikuti na Sibwiinga, matalikilo, kutaanzi, Sibwiinga...Oyu ngu Nabwiinga kayutuka.

<sup>153</sup> Amuyeeye, Mbungano yakatalikila ku Pentekoste, nkabela Ya kawida ku Nicaea. Ya kasons, kutali mbuli Nseke ini, peepe; bwa kali Buumi bumwi omuya, pele bwa kasons kutegwa kupangwe kabunga. Elyo Wa kakwela kwiinda mu kabunga ako. Elyo mpawo Ya kacita nzi? Mpawo Ya kaunka, kuzwa ku kabunga ako, Ya kanjila mu kabunga kambi, kanjila mu ntaamo imbi ya Ijwi; kululamikwa, kusalazigwa, lubbizyo lwa Muuya Uusalala. Mwabona? Elyo mbuli Mbo yakainda mu cisiko eci a bubambe, Ya kazumanana kuboola kunji.

<sup>154</sup> Amuyeeye, poleni muniini munji, ngalala nzinji mbuli Mbuto kwiinda cisiko mbo cibede. Elyo cikwa citandila mbuli Mbuto kwiinda ngalala mbo zyakabede. Pele Mbuto Lwayo ila indilila kuli ceeco. Mwabona? Yaka belesya ceeco buyo kuciyumuzyo, kuti Iliinzye kwiinda mumo.

<sup>155</sup> Amubone, Nabwiinga. Ikuti Nabwiinga, ku matalikilo, wakali Ijwi, na Sibwiinga; elyo mpawo ikuti Nabwiinga wagusigwa kuzwa kuli Sibwiinga, We elede kuba Ijwi awalo. Amubone, Nabwiinga mbwaelede kuba.

<sup>156</sup> Nkaambonzi, nkaambonzi Sibwiinga ncaeledge kuba Ijwi lyaka yubululwa, kuba antangalala? Nkaambo kakuti Nabwiinga a Sibwiinga bali Omwe. Walo ncibeela buyo cakaumwa kuzwa kuli Nguwe. Nceeco Cipange cilondo. Ca kaumwa. Kwaamba...

<sup>157</sup> Michelangelo taka konzya kupanga eco alubo. Ta kakonzya ku cibikka kujoka.

Pele Leza uyo cicita. Uyo leta Nabwiinga oyu muniini, oyo wakaumwa, kujokela nkoonya ku lubazu lwa Ijwi taanzi. Elyo ngooyo Mbwa bede, nceeco Cipange cilondo, mukwasyi wajosegwa mu muunda wa Edeni.

<sup>158</sup> Mbobuti Nabwiinga oyu mbwayo cita ceeci? Mbobuti Whiiti eyi mbo iyocita ceeci? Malaki 4 wakati, ku buzuba bwamamanino, ciyo boozegwa, (inzi?) kuboozya buumi mbuli kumatalikilo; ku cijosya! "Njo boozeyza," mbwaamba Mwami, "myaka yoonse diingo, a nsabaandwa, a zintu ezi zyoonse njo zyakalya. Njo boozeyza alubo." Malaki 4 wakati, "Uyo boozeyza myoyo ya bantu, a Lusyomo lwa bantu, kujokela ku matata mataanzu alubo." Mwabona? Tula bona eci nkoonya kumbele yesu, Mbungano. Mpaali mpo tubede?

<sup>159</sup> Lino, kujala mu maminiti masyoonto. Ndi yanda kuti mubone kabotu loko cintucimwi eco cakazwaa kicitika.

Malaki 4 nja ku josya, josya ku citaanzi.

<sup>160</sup> Ya umwa kuzwa ku mbungano, kuzwa ku mubili wa mbungano; kuumwa kuli Simalela Wayo, ku bukanze mbubonya. Yalo ndi Ijwi. Mbubonya buyo mbuli Josefa mbwa kaumwa a babunyina bakwe, nkaambo wa kali Ijwi. Elyo Jesu wakaumwa a babunyina Bakwe, nkaambo Wa kali Ijwi. I mbungano

yaumwa . . . I Nabwiinga waumwa ku mbungano, nkaambo Walo ndi Ijwi. Nzeezyo ntaamo zyanu alubo; ntaanzi, yabili, yatatu, mwabona, mbubonya buyo.

<sup>161</sup> I Ijwi, lipona nkabela mu ncito, Nabwiinga wa Bbaibbele, kutali nabwiinga wakabambwa aabantu; Nabwiinga wa Bbaibbele, wakaumwa a kupenzegwa aa Leza. “Taakwe bweebesi mbo twe elede ku Mu yandila, pele nekubabooobo twa ka Mu langanya kuumwa a kupenzegwa aa Leza.” Mbo mbubo. Uli imvwi alikke. Waa umwa kuzwa ku tubungwe toonse, kweendelana ku Ciyubunuzyo 3. Waa umwa kuzwa ku Bukkalo bwa Mbungano ya Laodikeya kuteeti Waa kabusigwa mukati. Mwabona? Eyi Mbungano yaka busigwa mu Bukkalo bwa Mbungano ya Laodikeya; eco cikwa. Pele ikuti balo bakaunka . . .

<sup>162</sup> Sena no bantu ba Pentekoste tamu konzyi kubona ceeco, ikuti na cimbi cakali cikwa nkabela cakafwa? Ikuti na eco cimbi (cisiko) ca keelede kufwa, ikuti na ngalala ya keelede kufwa, mbubonya cikwa ceelede kufwa; ntaamo zyotatwe zya tubunga.

<sup>163</sup> Elyo amuyeyeye, mwa kati, “Ee, lino, kwaali ngalala zinji loko kazilengelela. Kuli cinji ca *ceeci*.” Inzya. Kwakali Methodisti, Baptisti, Presbyteria, Lutherani, mbungano ya Kristo, zintu zyoonse ezi zimbi zya kawida muli ncico, matu a zintuzyonse zimbi zyaka lengelela aali ncico, pele citaanzi cakali ca lubambululo, lino, mwabona.

<sup>164</sup> Ilaima ilikke, mbuli Sibwiinga, “waakakwa ku bantu, kasampaulwa a ku kakwa ku mambungano.” I Nabwiinga uliimvwi munzila eyo. Ino ncinzi? Cipange Cakwe cilondo, mwabona, ndi Ijwi eelyo Ndyia konzya kubelekelamo, kuli yubulula. Kukaka!

<sup>165</sup> Aboobo, cisiko, ngalala, a cikwa, ta zibi Mbuto pe, peepe, pele ciindi coonse kukozyanya loko mbuli Mbuto.

<sup>166</sup> Lino ku ciindi ca butebuzi, Mbuto ya jokela ku Buumi bwayo butaanzi, kujoka ku Bbaibbele. Malaki 4 wakati iyo letwa munzila eyo. Oh, oh, ma! Kweelede kuba azyoonse! Kuba nzila eyi, Ye elede kuba a koonse kwa Ijwi. Sa mbombubo? [Mbunga yaamba, “Ameni.”—Mul.]

<sup>167</sup> Lino ino Wa kaamba nzi, mu Ciyubunuzyo 10, kuti ciyo citika? Nkaambonzi kwakali lweendo kuyaku Tucson? Ku kujula Mbungano. “Ku mazuba aa mutumwa, angelo waciloba, Mulumbe wa angelo waciloba, Ijwi lyoonse ilya Leza inga liyo yubululwa. I Cinamatizyo, ca zeezyo zyoonse cisiko nco cakasiya, a kaambo a koonse kujatikizya Ndilyo, inga liyo yubululwa mu ciindi eci.”

Sa nce ncico Ijwi nco lya kaamba? [Mbunga yaamba, “Ameni.”—Mul.] Mpawo, twa cibona. Mpawo mpaali mpo tubede, mwabona, mpaali mpo tubede? Kuli cintu comwe luzutu,

butebuzi buli waano. Ya sima cakumaninina. Ya libambila lino ku Kuboola. Amubone.

<sup>168</sup> Peepe, tai kabi Njiyo. Ku ciindi ca butebuzi, Mbuto yeelede kujokela ku ciimo cayo citaanzi, alimwi yeelede kuba a zyoonse zya Ijwi, kutegwa ibe Mbuto. Lino, to konzyi kuba cisela ca Mbuto; tai kakomeni. Mwabona? Ye elede kuba Mbuto yoonse. Ta yeelede kuyubulula... Kwaamba, "Nda syoma mu lubbizyo lwa Muuya Uusalala. Aleluya! Nda syoma mu kwaambaula mu myaambo." Eco ncibela ca Mbuto, uh huh, pele lino kwaka yungizigwa kuli ceeco. Aleluya! Mwabona? I Buumi, kutali zipego; Buumi bwa zipego. Mwabona, mwabona Nce pandulula? Tuli kuciindi cakumamanino, bakwesu.

<sup>169</sup> Cisiko, ngalala, cikwa, zili fwide a kuyuminina lino. Kuli cintu comwe luzutu eco ceelede kicitika kuli ceeco, nku bungikwa mu Nkamu Yanyika iya Mambungano ku kuumpwa kwayo.

<sup>170</sup> I Ijwi lyaba mu mubili wabuntu, mbubonya buyo Mbwa kasyomezya muli Luka 17, Malaki 4, a moonse, mwabona, mbo mbubo, Ciyubunuzyo.

<sup>171</sup> Boonse Buumi bwakasimpe obo bwakali mu cisiko, ngalala, a cikwa, lino buli mukubungana mu Mbuto, kuli bambila ku bubuke, kuli bambila ku butebuzi. I Alufa waba Omega. Ameni. I cakusaanguna caba camamanino, elyo camamanino nca kusaanguna. I Mbuto, eyo yakanjila, ya boola kwiinda munzila yakabambwa a kuba Mbuto alubo.

I mbuto, eyo yakawida mu muunda wa Edeni, a kufwa okuya, yaka piluka. Kuzwa ku mbuto eyo italondokede eyo yakafwa okuya, yaka piluka ku Mbuto ilondokede, Adamu Wabili.

<sup>172</sup> I Eva mutaanzi oyo wakawa, alimwi kabelesegwa mu bubuke bwabili... kuboola kwabili, mbuli kuzyala mwana, lino waba Nabwiinga wakasimpe alubo, Mbuto, kupilukila njionya antoomwe a Ijwi taanzi alubo.

I Alufa a Omega ngumwi. "Al..." Wa kati, "Ndime Alufa a Omega," Taakwe nca kaamba aakati. Uh huh. "Ndime Alufa a Omega, Mutaanzi a Mamanino." Iyi, munene.

<sup>173</sup> I mulimo mutaanzi a mulimo wa mamanino ngumwi. I Mulumbe mutaanzi a (wabili) Mulumbe wa mamanino ncintu comwe. "Ndime, Nda kali muli Alufa; Ndili muli Omega." "Kuyooba buzuba buta kategwa isikati naanka busiku, pele ku ciindi caku mangolezya kuyooba Mumuni." Mwabona, Alufa a Omega, caba cakusaanguna a ca mamanino. Oh, ma, bakwesu, inga twa kkala kwa maora ali ceeco.

<sup>174</sup> I cipange cilondo cipati ica mukwasyi, Adamu Wabili a Eva Wabili, lino kuli bambila kuyaku muunda, Mileniamu, ameni, kujokela aa nyika. Aleluya! I Mubumbi mupati taka balekela kababikkidwe awo. Wa katola ciindi, mbuli Mbwa kacita

kwiinda mu myaka ya mamilioni, kabumba banabukwetene bataanzi balondokede; nkabela bakawa. Lino catola kwiinda mu myaka ili zyuulu, Wa bumbwa alubo, elyo lino mbaaba bali libambilide.

<sup>175</sup> I Cipange cilondo cakaboola a kuuminwa ansi; kuzwa ku lubazu Lwakwe kwakazwa mugwasyi.

Elyo Waa kayakwa munzila njionya yakubambwa. Lino Ngooyu wajokela alubo; antoomwe a bulenge boonse, Bbaibbele, a zintuzyonse zimbi, kutondezya kuti mpaawa mpo tubede.

Masi ali mukumwaika, Israyeli ili  
mukusinsimuka,  
I zitondezyo ezyo Bbaibbele ndo lyakaamba  
kumbele;  
Mazuba aa Bamasi akkwana, (amulange  
cikama eci ca masifwilila nco tu jisi), a kuusa  
kupati kwalesegwa,  
Amubweede, O nomumwaikide, kuya mwanu  
ncobeni.

Mbo mbubo. Ncibotu mwanjila omuya cakufwambaana, ikuti na moyo unka.

Ndili bambila kujala buyo kutandila mu maminiti ali osanwe, kkumi.

<sup>176</sup> Amubone cipange cilondo cipati, ca mukwasyi. I mulumi a mwanakazi taba konzyi kuba mukwasyi ncobeni citakuti baba bomwe. Ba leelede kuba. Ikuti na tabali booboo, tabali mukwasyi mubotu; mukaintu ukwelela nzila yomwe, a mulumi iimbi. Eco inga cabamba mukwasyi mubyabi. Pele mukuzuminana, a luyandisyo kuli umwi aumwi, oyo mukwasyi. Elyo lino eco cakali cipange cilondo ica Leza, elyo lino mikwasyi yoonse yakasimpe awa itondeezya ceeco. Mwabona?

Elyo lino mukwasyi wa Cipange cilondo waboola alubo, Kristo a Nabwiinga Wakwe, kabali bambilide kusika. I Adamu Wabili, Eva Wabili, bali libambilide lino kubeedela ku Muunzi wabo. Elyo ciimo coonse caka nununwa. Kuzwa nko cakabede, ku cipilusya, mwabona, Mbubonya buyo ku cipilusya alubo. Kwamana . . .

<sup>177</sup> I buzuba bumwi, nkeimvwi okuno ku Bantu Basimakwebo Banakristo. Bunji bwanu, Nda yeeyela, kwakali okuya. Cindi ni Nda kamvwa oyo mupaizi muna Lutherani, na mukambausi, na kuyeeeyelwa mbwakabede, kaima okuya a kwaamba cintu eco ca bufuba, a kufubaazya eco nco tu syoma. Elyo balo Bantu basimakwebo Bamakanimabotu Aazwide kaba jisi muntu oyo awo, akwaamba ceeco. Wa kazwide kamikami. Bunji bwabo balacita lino. Elyo wa kati, "Lino, bantu bala ndibuzya kaambo Nce zwide kamikami, kati, 'Mbobuti mbo bakonzya ku kwaambila kuzwaku mupaizi wa Katolika.'" Kati, "Kwiina lwaandaano, alimwi ta kweelede kuba." Wa kati, "Toonse tuli

bana ba Leza.” Wa kati, “Ndi lizi kuti mupaizi wa Katolika oyo uulikokoonse, mwabona, oyo ukonzya kuba ku masena oonse.”

<sup>178</sup> Lino to konzyi kuba uulikokoonse kakutakwe kubauzizyoonse. Leza akwalo tali uulikolyoonse nekuba; Leza ngumwi uuzizyoonse. Uuzizyoonse, eco ci Mu bamba kuba uulikokoonse, Ulizi zintu zyoonse. Pele, kutegwa abe Cintucipona, We elede kuba mu Cintucipona comwe. Kwiinda mu kuba uuzizyoonse—uuzizyoonse, Ula konzya kuba uulikokoonse. Nkaambo, Uli zyi zintu zyoonse, alimwi wa kalicizi kakutanaba i... Wa kalizi, inyika kaitana kuba, bunji bwa ntabwa, njina, bunji bwa tuuka, a ziindi mbo ziyo fwinya meso azyo, a zintuzyonse kujatikizya ncico, mwabona, nkaambo Ngu ulikokoonse. To konzyi kuba uuzizyoonse—uuzizyoonse kotanaba mupatikampatila. Elyo kuli buyo cintu comwe cipatikampatila; Leza. Ameni! Elyo mpawo swebo...

<sup>179</sup> Ino ncinzi? Ngu dyabulosi, kabatola nkoonya ku cijailo eco. Umwi aumwi wabo kanjila, mbubonya mbo lya kaamba Bbaibbele. Elyo nceeci we, mwabona, kusika eeni akati kaba Pentekoste, a kubakwela buyo kugama nkoonya mbuli buyo... Ino nciindi!

<sup>180</sup> Oh, kumane bumboni obo, muntu umwi wakati kuli ndime... Ndi—Ndi... Cakali cintu cibotu kuteeti tii Nda kaamba ciindi cilamfu, nkambo antela niba kandibikka mu ntolongo kutala okuya. Pele Nda kayeeya buyo, “Nceeco we.”

I—i bantu abo bakayiisigwa, balizi. “I basongo bayo muziba Leza wabo, mu buzuba obo,” ca kaambwa muli Daniele. Iiyi, munene. Mwabona, “I basongo bayo muziba Leza wabo.” Bala langilila ku zintu ezi.

<sup>181</sup> Pele cindi Ne kabona eco kacicitika, a balo ba Pentekoste kabaimvwi okuya a nguwe! Naba Oral Roberts wakandi langa mbuli boobo. Nda kati, “Oh, ma!” Uh! Pele, kaimvwi kutala okuya a lwiyyo, kalondwedwe, nywebo mulizi, a zimwi zimbi.

<sup>182</sup> Eyo taili nje nzila Leza nja londola Bakwe. Ta londoli Bakwe ku lwiyyo. Ula londola mu bubombe, mu—mu nguzu zya Ijwi Lyakwe lyaka yubululwa, kutondezya ciwa ca Nseke eyo kuti Ya kazwa.

<sup>183</sup> Lino, muntu umwi wakati kuli ndime, wakati, “Mukwesu Branham,” wakati, “kuli cintu comwe Nce tamvwisyi kujatikizya nduwe.”

Nda kati, “Ncinzi eco?”

<sup>184</sup> Kandiimvwi omuya mu hoolo... Nda yeeyela, Mucizi Dauch a mbabo, Ne kamana kusukana maanza a Bill, elyo kandiimvwi okuya; elyo boonse bakainka ku kkona moonse, a nkamu ya bantu yoonse. Ii mukutausi wakali syanikizya nzila yakwe kunjila, aciwa cakamikami, wa kati, “Nkaambo nzi lyoonse utapatila bantu?” Wa kati, “Balo bantu ba kusyoma kuba

mulanda wa Leza, nkabela koba mubotu a sibuuya kuli mbabo, a zintuzyonse.” Kati, “Ciindi coonse Nda kumvwa koima, inga utapatila banakazi, kujatikizya kuba a masusu mafwaafwi, a kujatikizya kusama zibbudula, a kulinanika misila, a zintu ezi zyoonse zimbi; a kutapatila bantu, a ku baambila nzila mbo batontola a basitulengwa.” Kati, “Nkaambonzi nco citila boobo?” Kati, “Balo bantu bala kuyanda. Mbobuti mbo konzya kuba mwana wa Leza wa luyando a kucita cintu mbuli ceeco?”

Nda kayeeya, “Mwami, andi ingule muntu oyu musongo. Mwabona? Ko ndilekela buyo ndi mwiingule, kumwi, eco ciyo muzambaila mu ntambo yakwe mwini.” Inzya.

Nda kati, “Ee,” Nda kati, “munene, sena kuli nokasola kubala zya mulembi mupati wa ziimbo utegwa...sikwaanza mupati utegwa Beethoven?”

Wa kati, “Oh, masimpe, Nda kabala zya Beethoven.”

<sup>185</sup> Nda kati, “Antela wa kazapaula cingungulu cakazwide zipepa zitakwe ncito zya mapepa masowe, pele wa kapa inyika zipange zilondo.” Taakwe naka bbanuna mulomo wakwe a kwaamba bbala limbi. Nda kati, “Cindi naka kkede mwa kubalila mwakwe kunsi lya bunanike, wa kali kunga walemba cintucimwi aaapepa. Wa kali kunga wanjila mwa kubalila mwakwe a kukomba. Tee ca kaluleme, wa kali kunga wacigusya a kucifusila mu cingungulu ca zipepa zitakwe ncito. Pele cindi naaka manizya, mu bunanike boonse, inyika yakaba a cipange cilondo.”

Oh, obo Ijwi mboli kosola, pele Lila leta zipange zilondo; uh huh, ligusya cikwa a cisiko. Li leta Cipange cilondo.

<sup>186</sup> Ndi jisi maminiti ali ciloba aku mwaambila cintucimwi eco cakacitika izona, kukotoka aciindi ceelede. Kunkumunamasamu wabuzuba bwatatu, Nda kali okuno nke kkede mu...aabusena obu okuno, busena bwa makwebo nkoonya kuzwa kuli ndiswe okuno. Nda kaliko mu Pigalle, mu Rome, mu France, alimwi Nda kaliko mu Dolopo lya New York, Los Angeles. Pele nkamu ya banakazi isofweede kapati Nje kasola kubona mu buumi bwangu ngu Jeffersonville, Indiana. Ta ndina bwene bunji loko bwa gaumu a busofwi mu buumi bwangu mbuli Mbwe bona akati ka bantu abo. Nda kakkala okuya mane moyo wangu wakacisa, elyo Mwami wa kandipa cilengaano.

Lino Ndiyo amba cilengaano. Ta ndizi kuti na Nda konzya ku cipandulula, pele Ndi—Ndiyo amba cilengaano kwa ciindi cangu citaanzi.

<sup>187</sup> Nda kanyangwamuuya. Elyo, cindi Ne kacita, kwakali Muntuumwi antoomwe andime. Tii nda kamubona Muntu. Ly a kali buyo Jwi. Elyo Nda—Nda kalanga. Elyo mbuli Mbwe—Mbwe kalangila ku nzila eyi, Wa kati, “I Nabwiinga ulaboola mukulibonya kwa kutondezegwa kwakumbali.”

Elyo Nda kalanga, kaboola kuli ndime, elyo Nda kabona nkamu mbotu kwiinda—kwiinda ya banakazi bakasamide kabotu Mbe kasola kubona mu buumi bwangu. Pele umwi aumwi wabo, kaboneka mbuli, ba kasamide bwaandeene. Boonse baka jisi masusu malamfu. Elyo ba kasamide zya maanza ama shaati a misinsi milamfu, a zimwi zimbi. Banakazi bakubusyi, kaboneka musyobo wa, Inga ndaamba, ndiza kutandila makumi obilo.

<sup>188</sup> Lino Ndi jisi Bbaibbele li jukide awa kumbele lyangu. Mwabona? Ndi konzya biyo kwaamba Nce kabona.

Ikuti na mwati, “Ino ulanga kunzi?” Ndi langa ku nkoloko. “Ino ulangila nzi?” Ndi langila bantu, kulanga ku bantu. “Ino ulanga kunzi?” Ndi langa ku Bbaibbele. Nce cintu. Nda amba Bwini. Ncencico Nce bona. Elyo Ndi konzya biyo kwaamba eco Nce kabona. Ta ndizi—Ta ndizi mbo... kujatikizya ncico coonse. Nde elede buyo ku mwaambila.

<sup>189</sup> Pele, cindi oyu Nabwiinga, Waa kali kulanga nkoonya ku... Umwi wakali kukanana kuli ndime, a Mebo, ka twiimvwi antoomwe. Meso akwe, Waa kali wa bantu, baboneka kabotu kwiinda akunjoloma kwiinda Ngwe kasola kubona mu buumi bwangu. Kaboneka mbuli kuti bakali kutandila kkumi ababili, na kwiindilila, buyo... Ta ndizi na baka langide ku nzila yomwe, pele kwakali buyo baluleme mu nkamu yabo. Elyo Waa kainda munsi, cabubotu, a cabweebesi. Elyo meso Akwe kapakamene, kalangilila, mbuli Mbwa kainda munsi. Oh, Waa kali mweebesi! Nda ka Mu langa, alimwi mbuli Mbwa kainda munsi. Wa kati, “Lino tuyu langalanga...” Kati, “Oyo ngu Nabwiinga.”

“Lino tuyu langalanga mambungano.” Elyo aka boola. Nda kaabona kaayutuka. Elyo cindi naka yutuka, imwi aimwi, kaboneka mbuli kuti, yakaindila kubija. Ta ndina bwene nkamu ya busofwi maningi mbuli boobu mu buumi bwangu.

Elyo cindi Na akati, “Itobela,” Nda kamvwa coongo. Elyo Ca kati, “Itobela,” kati, “njeeyi ya boola nkamu ya bana America.”

<sup>190</sup> Lino, Ndili muna America, pele eci—eci ca kandi cima. Ta ndili sikubandika uukubwene, mu inkamu yabantu isangene, kwaamba ceeco cakali kutola busena. Ndi—Ndi—Ndi... Elyo muyo elela kubala akati ka mizila. Pele cindi banakazi no bakali kusika, musololi wabo wa kali mulozi. Waa kajisi mpemo mpati ndamfu a mulomo mupati ncobeni. Elyo boonse babo ba kasamide musyobo wa zisani ziselemukila aansi awa; pele kutala baka jisi buyo kalembo, ako, kaniini buyo, kalembo katandila inci kakali kuvunuka mujuluaku bazunguluka mbuli boobu. Elyo mwanakazi umwi aumwi waka jisi cintucimwi mu mabambe...

<sup>191</sup> Bunji bwanu, myaka yainda, twakali kunga twa yeeya cindi ni twakali kutenda pepa eelyo, nywebo mulizi, mutende, a kupanga yakaindi? Mbangaye ba ciyeeya? Nywebo mulizi. Baa,

Nda yeeya bala cibelesya muli zya kusangabalisya, nywebo mulizi. Kacilengelela ansi mbuli booboo, pepa lya kusakatizya, pepa lya maleesi.

Ba kajisi cintucimwi cakali ku zijatilila kunci, mbuli *boobu*, ku zijatilila kunci. Boonse busena *obu* bwakali vumbwidwe.

Elyo umwi aumwi wabo kajisi masusu ageledwe mafwaafwi loko, a zintu zilibonya kuvungana kujisi maningi koonse ali ngawo mbuli booboo, masusu akagelwa mafwaafwi loko; a kuzula misila. Kwinaa cintu pele bakali kuboneka mbuli bavuule basyacipa beenda.

Elyo bakali kweenda kaba jisi pepa eeli, alimwi, cabubyaabi! Lino, pepa nce cintu caka vumbilide kumbele lyabo. Pele cindi ni bakainda aa busena bwa kulangilwa, kusule kwabo... Elyo kubona nzila mbuli mbo bakali kuya kuzumanana kweenda, ku nembo kwabo kwini a kusyule kwabo, aboobo mbo bakali kulilemeka!

Nda kati, “Sena eyo nje Mbungano?”

<sup>192</sup> Elyo ngooyo wainka. Elyo ba kali kwiimba inyimbo ezi zyakuli bbwayaaula kuli yumba buniini, nywebo mulizi, na kufumbwa mbo mwiita, kuya buselemuka, kabaya bwiimba obo a kwiindilila.

Nda kati, “Sena eyo nje Mbungano?” Elyo Nda kaliumvwi okuya, nkabela mu moyo wangu Nda kali kulila.

Elyo, oyu mulozi, ku muzeezo wangu tacili cintu cimbi mu inyika pele waa kali ii... Yalo ni Nkamu eyo Yanyika iya Mambungano, iba soleola ncobeni nkoonya kugama kuselemuka mugwagwa oko nkwa unka. Ba kaleya kuya kulumwensi, a kuzimaana mu lupyopyongano; nekubabooobo kaba cilizya ciimbo akupanga kumvwika kweenzu maningi, a kuzunganya mibili yabo, lubazu lomwe elyo mpawo lubazu lumbi. Elyo mpawo, mbuli booboo, kulilemeka mbuli booboo, kabeenda.

<sup>193</sup> Elyo Nda katalika buyo ku kotamika mutwe wangu, elyo Wa kati, “Lindila, Nabwiinga weelede kusika alubo.”

Elyo Nda kalanga, elyo mbaabo bakasika alubo. Elyo bakainda munsi, balindu baboneka kabotu loko. Boonse bakali kulangilila kuli ndime, mbuli mbo bakainda munsi. Elyo Nda kabona umwi aumwi waka samide bwaandeene. Elyo umwi wakali musule wakali kubaanga ujisi musyobo wa masusu malamfu kaalengelela ansi, elyo akavungana koonse mbuli *boobu*; antela akali a muna German na cintucimwi mbuli booboo. Elyo Nda kaba langilila.

Elyo mpawo mbuli mbo bakali kuya kuzwa, bobile na botatwe babo, kusule, kubaanga nkuzwa mu ntaamo ya bweende, elyo Nda kali kuya koongolola kuli mbabo. Elyo ba kali kusola kujokela mu ntaamo ya bweende alubo. Elyo Nda

kababona, cilengaano buyo caka baanga cazimaana a kucinca, kuzwa kuli ndime.

<sup>194</sup> Lino mboobu bupanduluzi bwancico. I kaambo...Lino, amuyeeye, Nda kazwa kumanizya buyo kulemba...Tii ndakalina manizya, Tii ndakalina lemba bulembu obu. Pele mu kukambauka, cifumo cino, Nda jata obo mbo cakabede, moonya mu nkambauko yangu. Sena mwa langisya, mbungano yaka boola buyo mu kulibonya...

Lino, obo Mbwini, beenzuma. I Taata Wakujulu, Oyo uulemba Ijwi, ulizi kuti Nda amba Bwini. Mwabona? Ndi lizi Nda amba buyo Bwini.

Elyo mukuta ciziba mane buyo ku maminiti masyoonto ainda, kwakaboneka mbuli, na caino buyo, mwabona. Sena mwa langisya? Nabwiinga wakaboola mu kulibonya ziindi zyobile; Mbuto yakutaanguna a Mbuto yibili, zyoonse mbubonya mbuli Imwi yomwe. Ako nke kaambo bakali inde...kasamide mu zibeela zyandeene, Uyo ozwa ku masi oonse, nkabela kuyo panga Nabwiinga. Umwi aumwi waka jisi masusu malamfu, alimwi kwiina misila, elyo basimbi babotu kapati. Elyo bakali kundi langilila. Oyo wakaiminina Nabwiinga kuzwa ku masi oonse. Mwabona? Waa, umwi aumwi wakali kwiiminina cisi, mbuli mbo bakali ku maccing'a cabulondosi mu kweendelana a Ijwi. Mwabona?

<sup>195</sup> Elyo, mpawo, Nde elede ku Mu langilila. Uyo zwa mu ntaamo ya bweende ku Ijwi eelyo ikuti na Nse langilili, cindi Ano inda munsi, ikuti na Waa inda. Ndiza ciyooba ciindi cangu, cindi Nda manizya, mwabona, cindi Nda kotoka, na kufumbwa mbo cibede.

<sup>196</sup> Ncinzi? Ba kali ku jokela kusule. Kusoleka mu bubotu bwabo, elyo bakali kujokela kusule, kunjila buyo mu kweendelana; nkaambo, ba—ba kali kulanga anze kumwi kumbi, kulangilila mbungano eyo yakazwa akunjila mu lupyopyongano. Pele bobile...I bamwi kunembo, teebakacita. I bamwi kusule, bobile na botatwe buyo babo, ba kabaanga bazwa aniihi ku lubazu lwa janza lyalulyo, a kulibonya mbuli kuti bakali kusoleka kujokela mu ncililano mbuli mbo bakali kwiinda. Ba ka ndiindilila buyo, oh, kulaale mbuli waano kusikila ku bulambo, kwiindilila kuli ndime. Elyo Nda kaliimvwi okuya. Elyo mpawo Nda cibona buyo coonse kacizwa a kuunka.

Pele, nywebo mubone, mbungano yakasika biyo mu kulibonya lomwe, cisi acimwi, mbungano. Pele Nabwiinga wakasika mu ziindi zyobile. Mwabona, mwabona eco mbo cakabede? Lino, muku taciziba, pele amucilange a Mulumbe wangu cifumo cino. Kutaziba ceeco. Mwabona?

<sup>197</sup> I Mbuto ya kawida mu bulongo ku Nicaea. Eyo yakali Mbuto ntaanzi. Elyo Ya kaboola kwiinda mu kubambwa kwa tubungwe oto, eyo iboola biyo mukuba lomwe. Pele Nabwiinga ulajokela

alubo mu mazuba aakumamanino. "Njo oboozezya." Mwabona, Cipange cilondo cila yakwa. Ako nkekaambo Ncali mu kulibonya, kulangwalangwa, ciindi cabili. Waa kalangwalangwa ciindi citaanzi, mpawo waa langwalangwa ciindi cabili. Elyo Waa kali mucimo cilondokede, ciindi cabili, mbuli Mbwa akabede ciindi citaanzi. O Leza, koba aluse! Kobinda, kobinda, kobinda, Buumi, bunjila mu Nseke, cakubinda mpoonya awo! Uh huh.

<sup>198</sup> Zyoonse zimbi taakwe no zyaka libonya limbi. Zya kazwa, tazi cikajokeli alubo.

Pele Nabwiinga wajokela, nkambo Waa kali Alufa a Omega. Leza, Mubumbi mupati, wa Mu bamba kuba Cipange cilondo, nkambo Nci beela ca Cipange Cakwe cilondo citaanzi. Mbuli Mbwa akapanga mu muunda wa Edeni, a kubweza ka beela kuzwa, a kupanga ka beela kambi ako kakabisigwa a kuwa, lino Wali kuciyaka eci ciindi coonse alubo. Elyo Wa kaleta Cipange eci cilondo, alimwi ca kaumwa, kutegwa... Eciya ci beela eco caka umwa, kwakali kutegwa kuka josegwe alubo eciya Cipange cilondo, alubo.

<sup>199</sup> Aboobo, Cipange cilondo a Mwana wa Leza, Cipange cilondo a Nabwiinga, nkabela Nci beela Cakwe, eco ceelede kuba kuzulikizya kwa Ijwi. I Ijwi ly a zulizigwa, nkabela tuliliambilide ku Kuboola kwa Mwami.

<sup>200</sup> O Mbungano ya Leza muumi, amu kotamike myoyo yanu a yanu-lwanu kunembo ly a Leza. Zintu ezi nzyabwini. Ndi lizi kuti cili mvwisya mbuli booboo, cintu cipati boobo mbuli mbocinga caba, inga camwaisigwa kapati koonse ku zisi. Tee cakali obo. Ta cinczila Yakwe. Kamulumba buyo, Mbungano, amube balumba kuti muli awo mpo mubede sunu ikuti na mukkede muli Kristo. Nkaambo, nywebo mwabona, lino, elyo cindi eco...

<sup>201</sup> Amuyeeeye, Buumi obo boonse buyo bunganisigwa moonya mu Nseke, nkambo ka bubuke, pele cisiko ciyo umpwa. I cimwi caco; cikwa a zyoonse, zyelede ku nyonyoonwa, elyo ciyooba. Muta syomi muli twanu, twalo tubungwe. Amu kkale mu Ijwi, Buumi, Leza a Cipange Cakwe cilondo.

<sup>202</sup> Mpawo ino ncinzi mu Mileniamu? Kristo a Nabwiinga Wakwe, kujokela mu muunda wa Mileniamu. Amen!

Nda Mu yanda, Nda Mu yanda  
Nkaambo Wa kasaanguna kundi yanda  
A kuula lufutuko lwangu  
Aa cisamu ca Kalivari.

<sup>203</sup> Mpaawo Mpa akauminwa. "Twa ka Mu langanya kuti wakanabbwa, wakaumwa aa Leza, a kupenzegwa. Pele Wa kayaswa nkaambo ka nsotoko zyesu, Wa ka cuzaulwa nkambo ka mulandu wesu."

<sup>204</sup> Sa kuli umwi awa, cifumo cino, uutali mu Nseke eyo cifumo cino? Elyo mbuli Buumi mbo bukwela lino kabeela ka mbubo kamamanino kuzwa ku cikwa, nkambo cikwa cili mukuyuma. Mbangaye bazi kuti mbungano ya Pentekoste ili mukuyuma? [Mbunga yaamba, “Ameni.”—Mul.] Ino ncinzi? Buumi buli mukucisiya. Mukasimpe, ca siigwa. Elyo ikuti na oyo Nabwiinga ulikale mu kutondezegwa kwakumbali, Nda libuzya ikuti Nabwiinga oyo tana yakwa, mpawo. [Mukwesu Branham watalika kung’ung’una, *Nda Mu Yanda*.]

... Mu yanda, Nda Mu yanda  
Nkaambo Wa kasaanguna kundi yanda  
A kuula lufutuko lwangu  
Aa cisamu ca Kalivari.

<sup>205</sup> A mitwe yesu kiikoteme lino. Sena kuli bamwi ano abo bangabayanda kuyeeyegwa? Ikuti na ulimvwa kuteeti tona . . .

Beenzuma, cila ntangalala loko. Nse katambwide cilengaano mu buumi bwangu, ccita cintucimwi cakacitika, kaccilila. Nda amba Bwini. Zyonse ezi ziindi zimwi, ikuti na Nda kaamba Bwini, Leza waka butondezya. Mpawo, Nda amba Bwini ciindi eci.

<sup>206</sup> Ta ndizi buzuba obo mbo tuponamo, pele Ndi lizi taakwe cintu cisyeede. Ta kukonzeki kuba situnzenyu unga wabuka a kukonzya kululamika cintu eci. Tunzenyu, cisi canyonyooka. O Leza! Sa inga, sa inga wasika aansi kusakana bweelede ku—ku—ku limvwa ceeco. Cisi canyonyooka; kutali cisi, pele zisi. Eyi ni nkamu mbotu kwiinda, nkabela yanyonyooka. Mpawo, ikuti na zisi zyanyonyooka, inyika yanyonyooka. Elyo mambungano, ku kuyeeya kwangu, Pentekoste yakali mbotu kwiinda njoba kajisi, pele yanyonyooka.

O Leza, koba aluse kuli ndiswe!

<sup>207</sup> Ikuti na to Mu zyi, akaka kobinda, kobinda. Ikuti na wamvwa Buumi, ko zwa mu . . . kozwa mu cibi cako, kozwa ku cintu omo mobede. Koya ku Nseke, cakufwambaana mpoonya buyo. Uyo ofwa mu cisiko, na mu cikwa.

Kokomba, ku ciindi no twiimba lino. “*Nda Mu yanda*.”

Cili kuli nduwe lino. Ta tujisi kabungwe, taakwe cintu. Tu jisi biyo Kristo. Uli tambwidwe ku kukomba a Nguwe, a ndiswe, mane Aka boole. Ta tukonzyi kulemba zina lyako mu Bbuku; ta tujisi mabbuku. Tu yanda zina lyako kuba mu Bbuku lya Buumi. Inga wacita biyo eco kwiinda ku Kuzyalwa. Sa toko cicita ndyoonya eno? Kolomba Kristo ku Buumi bupya, ku kuleta mukati, kubikka zina lyako mu Bbuku Lyakwe, ikuti na takuli booboo. Mpawo, inga waba aluswaanano a ndiswe, inga twa yanda kuba a nduwe. “*Nda . . .*”

<sup>208</sup> Oyandwa Leza, kogwasya muntu umwi aumwi lino kulingula tumpangaliko toonse, kubona ikuti na tuli muli Nguwe. Wa

ka tuyanda. Wa kaumwa nkaambo kesu, elyo twa kacita Ku langanya kuteeti wa kaumwa a kupenzegwa aa Leza. Nda komba, Leza, kuti Uyo oita umwi aumwi. Mwami, ko kanana ku bana bangu, bayandwa bangu, beenzuma bangu. Ko cipa, Mwami, ndyoonya lino, kwiinda mu Zina lyा Jesu Kristo.

<sup>209</sup> Uta lekeli muntu naba omwe kulindila kwa ciindi cilamfu, Mwami. Kuboneka kuswena maningi. Butebuzi bwabizwa masimpe. I citebuzyo cipati ca Leza ciyo fumpa insi yoonse bumwi bwa mazuba aya, makuba ayo ululuka nzila zyoonse; pele Whiiti uyo bungikwa ku butala, ku bwezegwa, nkambo muli Nguwe muli Buumi. Kopa, Mwami, nkumbizyo aimwi kuti iingulwe, nkombyo aimwi kuti iyubululwe kumbele Lyako.

<sup>210</sup> Nda ba kombela, Mwami. Nda lomba kuti To koolekela naba omwe awa kuti asweeke, Mwami. Ba—ba—ba kkala kunsi ly buyumuyumu; ba—ba—ba leenza kwa myaanda ya mamaile. Elyo kufumbwa cintu eco nco tubulide, kocipa kuli ndiswe, Mwami, kufumbwa cintu cibotu kuli ndiswe, Mwami; kutali eco cibotu mu kulanga kwesu, pele eco cibotu mu kulanga Kwako. Tu yanda kwiima mbuli nakalindu uusalala oyo wakakomwa, wakatapatilwa a Leza, kutegwā tusa lazigwe kuzwa ku zibi zyesu. Elyo Nda aba nkombyo yangu nkaambo kabō, Mwami.

<sup>211</sup> Ta—Ta—Ta ndizi mbo kukombwa. Tu—tu kanana kuli Leza Singuzu. Elyo muntunsi nzi uliko, ncifwika nzi cikonzya kubamba musyobo ululeme wa nkombyo kumbele lyा Leza muumi? Pele, Mwami, kutaamba kwangu kabotu kwa mabala, alimwi angu—alimwi angu mabbala aiminina bantu atubala twiiminina mu—mu busena butaluzi; ikuti na Wa konzya kusala ma ABC aa mwana mulombe buzuba bumwi, alimwi—alimwi kupanga muzila wamabala, Inga—Inga wasotoka mabbala angu aiminina bantu atubala twiiminina a kulanga buyo kuli ceeco Nce syoma, Mwami.

Nda Ku syoma. Nda syoma Ijwi eli. Elyo Nda syomena uuli oonse ano. Elyo Nda—Nda ba leta ku Cipaililo eco, Mwami, ku lusyomo, oko aakati kesu a Jehova Mupati kuli Bulowa bwa Mwana Wakwe, Jesu. Elyo Bulowa buyo twa ambilila. Cindi Nowaka Mu uma aa Kalivari, Wa kati, “Kokanana.” “Amu swiilile Nguwe!” “Elyo Bulowa,” Bbaibbele lyा katī, “bwaamba zintu zipati maningi kwiinda bulowa bwa mwanaambelele mu Cizuminano Cakale, nkambo Bulowa bwa Kristo bwaamba zipati maningi kwiinda bulowa bwa Abela; zintu zipati maningi.” Elyo kokanana, Mwami, lununuko lwa ndiswe, mbuli mbo twiita kwiinda mu Bulowa.

<sup>212</sup> Taata mupati wa Buumi, kotu sanganya, Mwami. Ikuti na twa—twa kabisya, kocigusya kuli ndiswe. Ta, ta tuyandi kuba mu nzila eyo, Mwami. Taali makanze esu.

Elyo tula mvwisya ikuti tupona mu nzila mbyaabī, ya musinze boobu. Mbuli mbo twa amba ku matalikilo, twe

enda kutanta mulundu, kwiinda mu masena agalankene. Kakondo kazimaane, pele tu bwezede Mumuni. Akube kuti tubone, ntaamo a ntaamo, mbuli mbo twe enda lino; mane tuka swaangane, mbuli *Kuzwidilila Kwa Muzwamasi*, mane kumalekelo tu kasike ku mpela ya Cilundu. Ko tu solweda, O Mweembezi. Jehova Mupati, ko tu solelola kwiinda ku Muuya Wako.

<sup>213</sup> Elyo tu lizi kuti tuli kule kuba cipange cilondo; pele tu langa oko kwalo nko twakali kubambilwa, Cipange cini cilondo, alimwi muli Nguwe tula syoma. Ko tutola buyo kuli Nguwe, Mwami. Ko cipa, Mwami.

<sup>214</sup> Ko ponya bantu boonse baciswa omuno, Mwami, "Twa ka Mu langanya kuumwa a kupenzegwa. Pele Wa kayaswa nkaambo ka nsotoko zyesu." Cipange cilondo ca Leza cakaumwa. "Elyo Wa kayaswa nkaambo ka nsotoko zyesu; ku mibunda Yakwe twa ka ponesegwa." Koponya baciswa, Mwami, mu Busyu Bwako Busetekene lino, kuciindi notuzi kuti Uli waano.

<sup>215</sup> Kosalazya buntu bwesu, myoyo yesu, kuzwa ku bubi boonse, zintu zyoonse zibbi, miyeeyo yoonse mibi, bukanazi boonse bubi, zintu zyoonse zita luzi. Ko tusalazya. Elyo twa lomba, Taata, kuti Uyo ponya malwazi esu, alimwi tulekele tuzwe okuno katu limvwide kuti tuli bana Bako basalazigwa. Elyo a Bulowa ali ndiswe, tula kanana kwilinda mu Bulowa, Ijwi. Ko cipa, Mwami. Twa lomba mu Zina lya Jesu Kristo. Ameni.

<sup>216</sup> Taata Leza, atala aa tutambala otu, kotu nanika a Busyu Bwako, Mwami. Akube kuti Busyu Bwako bube awtalo kufumbwa oko nko twiinka. Kufumbwa mpo tuyu bikkwa, a mubili uciwa uli oonse, akube kuti ikapone. Elyo kufumbwa, ikuti na kuli muunzi umwaikide kumwi, kou bambulula, Mwami, Mubumbi mupati. Ko cipa, Mwami.

<sup>217</sup> Ko tubumba, a ku tubamba bana balombe a basimbi iba Leza. Tula syoma kuti Nabwiinga uli mukuba a kulondolwa kwini kwamalekelo. Uyo umwa kuzwa ku kabunga kamaninide, munzila zyoonse, elyo mpawo butebuzi bupati bunooli kokuno. Kusikila eelyo, Mwami, babambe kuba anseba zibotu alimwi a ku kkomana, Ku kubelekela. Mu Zina lya Jesu. Ameni.

Nda Mu yanda, Nda . . . (Sena mula Mu yanda  
ncobeni?)

Nkaambo Wa kasaanguna kundi yanda  
A kuula lufutuko lwangu  
Aa . . .

<sup>218</sup> Lino sena mwa mvwisya kaambo Nce mubwekela? Ta kuli kuti nkaambo Nda tuyanda . . . kutali kuti nkaambo ta Ndi tuyandi. Nda tuyanda. Ndi yanda Cipange cilondo ca Simalela. Inga ndeelela kuzapaula kuniini mbuli boobu, pele Ndi yooba a Cipange cilondo, bumwi bwa mazuba aya, ikuti na Nda cibamba mpoonya aa Ijwi eli. Ncibotu.

<sup>219</sup> Lino Jesu wa kati, “Kuli ceeći bantu boonse bayooziba kuti muli basikwiiya Bangu, cindi mwano jisi luyandisyo kuli umwi aumwi.” Twe elede kuba maningi mu luyandisyo a kuli umwi aumbi!

Kalilelekewe kaanzyo ako kaanga  
Myoyo yesu mu luyandisyo lwa Bunakristo;  
I luswaanano lwa muzeezo ukozyenye  
Luli mbuli olo luli Kujulu.

Atu jate maanza aa umwi aumwi.

Cindi twa andaana,  
Ku tupa kucisa kwa mukati;  
Pele tu cinoyo swaanganisidwe mu moyo,  
A bulangizi bwa kuswaangana alubo.

Ko tolelela Zina lya Jesu,  
Mwana wa buusu a mapenzi;  
Liyo kupa lutangalo a kuumbulizigwa,  
Ko litolelela koonse nkoya.

Zina liyandisi, Oh mbolili bbotu!  
Bulangizi bwa nyika a lutangalo lwaku Julu;  
Zina liyandisi, Oh mbolili bbotu!  
Bulangizi bwa nyika a lutangalo lwaku Julu.

Lino amuyeeye, mu lweendo lwanu:

Ko tolelela Zina lya Jesu,  
Mboli ntobo kutabilila mapakasyo oonse;  
Cindi masunko koonse kuli nduwe bu-...  
(Ncinzi nco cita mpawo?)...-ngilila,  
Koamba buyo Zina eelyo lisalala mu nkombyo.

Oh Zina liyandisi, Oh mbolili bbotu!  
Bulangizi bwa nyika a lutangalo lwaku Julu;  
Zina liyandisi, O mbolili bbotu!  
Bulangizi bwa nyika a lutangalo lwaku Julu.

Mane tuka swaangane!

Atu kotamike mitwe yesu. Oh, Nda botelwa kwiimba!

Mane tuka swaangane ku matende aa Jesu;  
Mane tuka swaangane! mane tuka  
swaangaane!  
Leza abe a ndinywe!



*CIPANGE CILONDO* TNG64-0705  
(The Masterpiece)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Nsondo kuseeni, Kunkumunamasamu 5, 1964, ku Branham Tabernacle mu Jeffersonville, Indiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2019 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)